

武寧縣志卷之四十三

藝文詩

近體

題俯江樓圖畫冊

學政 周系英 湘潭人



鹿洞鷺湖自昔推江樓今見曲池開文章應得溪山助世澤
頻將桃李培室有藏書同鄴架地多好景卽蓬萊西園東壁
家聲舊應繼當年著作才

看鶴橋新成

張問行

點綴仙踪聳碧霄誰言有鳥託嶢嶢水疑廣漢流明月城似
瓊樓度玉簫豈必丁仙真化鶴儘教司馬徑題橋紛紛闐闐
空塵雜眼底蓬萊付寂寥

遊石鏡山

邑貢 李趣堂

一山深處叩無因蕭散今朝笠屐新出寺鐘搖烟際樹隔溪
犬吠鏡中人孤雲片石仙誰伴積雨空林客絕塵甚欲招提
分半榻洞天閒養十年神

巾市

挂巾而後卽名村到此風流六代存白鶴南飛餘稗史青牛
東渡是仙源野連竹塢開棋局石占雲龕有漏痕十里溪山
桑未海憑誰舊事說蟠根

過盛義士舊宅

西城十里舊名村義士當年此闔門野水近鄰書圃咽山雲
濃作賊旗屯枕戈自領全家節奮劍猶留中柱痕古屋三間
移地主後生渠解弔英魂

采蕨詞

邑貢 李受縉 二山生

乙巳歲大飢貧民倚蕨爲活深山僻谷掘取殆遍霜
出星入備極苦辛余周歷其狀感而賦此

自編棚戶寄山陬終日揮鋤爲食謀底事凶荒難作活樹隈
雲塢費羅搜

荆扉早起看東方天淨雲空滿地霜短褐嚴風不道冷柴根
何味也充腸

渣滓新淘澗水邊園筐絡石朔風天林梢月落雞聲唱谷口
猶聞杵臼喧

歲云暮矣尙留山婦子相招荷鍾還貰酒村帘歡度歲只偷
元旦一天閑

過武陵岷

黎澍 次元

巉巖斲削鬼神工絕巘盤紆鳥道通雲霧吐吞岷骨老蛇蟲

出沒樹心空愁人一壑松楸雨吹我孤征薜荔風故老猶能
談往事相逢嶺畔說丁公

雲臺秋眺

烟光蕭瑟萬山中獨上雲臺極自空古石崖前飛木葉白雲
堆裡聽秋風霜娥未老山頭碧鳥雀還驚樹底紅自愧琴書
飄泊久藿溪鷗鷺也羞同

過荆陂潭

在四十六都

峭壁摩天石磴危秋風吹雨過荆陂浪花輕撼魚踪沒天影
虛涵雁字岐古壑雲堆菩薩岬空涵月冷梵王基我原汗漫
忘機客水鷺沙鷗莫浪疑

石湖謠

王子音 心言

石湖袤廣百畝開自明十九傳祖良士公其以石名
者仍破石之名也環湖居者三百餘戶資灌溉者千
七百餘畝自良士公訖今三百餘年安熙熙世享
太平庶幾樂土矣子音生長湖上追懷先澤寄諸風
謠亦在湖言湖已爾

儂家家世住蟠溪水滿長湖柳滿堤烟火江南圖畫出幽風
借作竹枝題

東風吹裂滿湖冰雪點楊花水面萍昨日清明今穀雨良苗
夾鏡已青青

鹹魚麥飯倩栽禾四面平湖百藕歌別有前村秧馬急鷺鷥
灘下峭帆過

麥笠搖風轉轆轤鹹茶淘飯打高呼不停晝夜分班代喜得
秋來水滿湖

早谷初登治粟田不分旱澇趁秋前家家夜半炊晨飯我灌渠栽月在天

柳陰晝啖苦甜菽可口休聽婆餅焦記得那年湖水涸黃瓜

菜粥也攔腰俗謂午膳爲攔腰一充

搖壩也樂樂何遙收日日楊堤夾听招松樹河頭鴨足渡兩地

名夕陽牛背雜風謠

五穀豐登合室歡殺雞酌酒祭神壇今年還卜明年好願得盈湖水不乾

石市吟

貢生 熊鎮瀾 歐爐

江干遙望碧烟圍小市青帘桑柘稀數世商家成土著幾朝民屋老荆扉蔥蘢屢刈三收稼旖旎常新九月衣任爾荒年無菜色潭頭洞裏采樵歸

支離此地竟桑榆環堵蕭然笑守株過眼風雲皆幻境留人卷軸是真娛鐘鼓隔岸烟迷棹酒散荒塵月在梧壇上一燈歌舞者南遼落拓有歐爐

宿松山寺

司訓 彭 焯寧都州人

歷盡重巒到上方松風吹送雨花香雲深款客虛堂靜活水煎茶夜話長

寒泉宛折石嶙峋掩映曇光丈六身解得拈花含笑意蒲團作伴是前因

鐘聲敲斷晚烟寒雨滑添愁客路難底事瓚公煨芋火多情兩夕勸加餐

鳥語催行曙色遲出山重訂到山期前緣莫問三生石記取留題壁上詩

庚午秋豫寧書院留別

翰林饒向榮

東鄉人

柳峯修水重流連幾度薰風到榻前漫有文章通意氣多勞
翰簡結因緣詩書學海尋先輩事業名山認後賢一幅征帆
灘百轉長安翹首杏花天

舟宿麻潭弔胡紹遠兄弟

徐忠孝

錢樵

溟濛殺氣岼頭橫紹遠當年此拒兵秋草已殘邊將血江風
猶作戰場聲枕戈到底存忠義陷陣還能共弟兄一片青燐
飛夜影舟人遙指舊軍營

九日登萬福寺

歸來兩負黃花節今日峰頭著意看嵐氣影移山麓動松聲
遙撼海濤寒但憐心跡秋兼淨莫問功名葉共殘三十年前
曾此寺滄桑滿眼一憑欄

暮春登獅子岷

幾度斯厓共散襟泥銜紫燕又重臨青山不老盟還續碧水
長存勝更尋酒酌危亭知己意詩敲傑閣故人心最憐謝傅
遊成癖碁墅風流竟至今

清明日拜師友墓

鶯歌蝶舞綠楊中墓拜吾師酒不空雙屨立殘三尺雪一羶
坐老十年風忍忘陶冶勞全力敢說烟雲滿寸衷翹首魂來
天漠漠啼痕化作杜鵑紅

盛字雲夫子

浩蕩春風麥飯時殷勤墓拜韻溪師十年讀後香三炷萬里
歸來酒一卮不朽中郎惟有女可傳伯道竟無兒那堪淚灑
衣痕濕幾樹聲聲叫子規

李韻溪夫子

秋雨秋風宦遠天我師送我艾城邊江頭一別成千載墓下

重來又廿年但識窮通皆有數漫嗟兒女獨無緣平生肝膽
勞相照忍向春風淚不鮮

陳竹屏夫子

當年磨劍話崑崙今日還家拜墓門十里花飛知己泪一江
雲湧故人魂瓣香渡水何辭邁樽酒來山豈憚煩生死縈懷
情不盡夕陽遮莫下黃昏

丙兄費逸亭

巋然三碣蝕蒼苔昆季慇懃酒一杯地下獨嗟君已去天邊
應識我還來交論道義情原厚誼重安危念豈灰最是不堪
今日意鳥啼花落總成哀

盛水巢琢愚照堂昆季

瓜源雜詠四則

舒 鏜

吳峰之外居民稠活活陂塘歲有秋飽食暖衣君自取大家
努力易田疇

瓜源

割據何曾盡有東一時韜畧霸圖空而今剩得荒榛裏鐵塚

巍然遠望中

吳王峯

十二珠圓怪石頭江心鼓浪戒行舟神龍駿馬驅前後日夜
何曾阻下流

三碣灘

一村大注想先民五百膏腴漫肯貧食德服疇忘手澤仁山
祖是插花人

大注村

庚寅九日偕洪瀚青遊白雲寺

副貢 李葆光 良玉

寺外重重樹色蒼故宮傳說自南唐劫灰不盡仙娘術塵世
惟留秋草芳日透疎窻幢影亂風迴翠竹鳥聲忙息機何處
通禪偈三徑花開菊有香

丙申清和節遊龍潭寺和柯學光原韻

鄭公堂上古苔留密竹逕中想昔遊狎客鴛鴦臨水鏡愁人
風日到山樓棟花開後香連徑芳草繁時綠滿洲舊事荒涼

頻弔古廣心軒外興濃稠

苦節詩為盛熊氏作

邑令尹作翰湘潭人

節婦盛熊氏年三十三而寡家徒壁立苦節三十餘年一子病弱嘉慶乙亥歲荒母子相繼歿詩以憫之鏡破幽閨痛藁礎那堪貧病更交侵卅年勉踐生前約一飯猶寒死後心逝者恨難媧石補餒而愴甚掌珠沉慚余惠鮮無長策承乏空鳴單父琴

紀田李氏割臂詩

氏名阿芸田德鄰之妻邑貢生李蓋孫女姑陳氏患痰疾危甚阿芸於九月初三夜割左臂肉以進病痊孝重守身氏非冰淵之意矣然亦足以示鄉曲

庸行無奇特胡為肢自殘但能愚以達亦見事之難霜鐸聞中淬冰肌釜底寒爾姑病痊可蓬戶永承歡

奉和尹明府紀蓋孫女割臂詩原韻

貢生李蓋初堂

癡兒安解孝弗恤體膚殘事此原非正為之蓋亦難四更心孔切一鸞瞻生寒褒予蒙賢宰承權恐未權

伊山道中

兩山如闔戶曲磴似難通鳥道循溪轉樵夫夾路逢斷崖懸短笏碧澗下飄蓬顧謂從遊者吾將馬首東

城東暮游

邑廩張斌力菑

藕花開盡晚雲深十里新涼天氣陰臨水人家秋草綠隔林僧寺一蟬吟松楸冷落分柘酒鷄犬關珊伴藁礎詩句不堪重檢點春風前度阮郎心

晚過龍溪寺

邑貢余在藻若冰

鄉村離小徑梵宇入重林井自靈巖出巖室有石泉盛臺披
蔓草尋寺南一石黎博菴鐫夕陽連遠火新月上高岑卓錫
人來此爐烟直到今講經臺三字今沒

遊武陵岷

不作飛來勢偏占特地雄爛柯碁有局煉石鼓如銅彭蠡蒼
茫外江城縹緲中絕頂一峯可望尋幽誰到此樵徑一山翁
重遊淨明堂鄱湖江省諸勝

不到篁山二十秋紫芝瓊樹洞門幽塵封古壁餘名韻座對
良朋憶舊遊流水依然丹竈冷閒雲如故葢宮浮致菴遺跡
終難覓石色蒼蒼一磬留

武安山

王鶴臯聽瀾

振衣漑漑碧峰頭窮劣雄開壁壘稠羅拜兒曹空疊翠摩抄
劍氣漫橫秋蓮塘水冷侵蟲蟻石磴雲肥縱馬牛數百年來
征戰盡何須弔古恨麻洲

登城東浮圖

邑稟劉夢說去厓

谿衍直上碧雲端鈴鐸聲驚數里寒萬竈烟光生下界九天
風雨近雕欄舊基荒沒憐耆老塔下舊爲文昌閣故址新鎮雄開憶長
官西望狡狴青百尺千秋遙與峙江干

躡屐緣梯屈曲通江山面面總玲瓏目窮吳楚蒼茫外身在
烟雲杳靄中勝地隱增興廢感文峰應祝後先同瓣香遙向
滇南拜百尺甘棠識台公

秋日同友人遊天池

邑庠張明遠愈謙

火雲猶未斂奇山渴想秋風水一灣石洞烟深龍欲住衡陽
雨斷雁初還草迎古寺聽猿急花落荒台繫馬艱到處不堪

憑弔古丹雘惟許個中攀
寒烟漠漠靜秋山遠水空澄
燕碧灣白鳥影從天際沒孤帆
遙向日邊還風來橫笛悲長嘯
老去簪花好自艱為我暫留
池上月荻蘆深處共君攀

竈石詩和韻

李在宮 齊芳

最惜空山小有天不逢青眼已
年年崆峒自應吾家有竈石
寧徒此日懸水出崑心清欲沸
春臨洞口碧如烟居人幾輩
摩挲久漫掃虛房一坐禪

武安山

王鶴音 醒初

疊嶂層巒鹿豕奔當年戎馬此
間屯麻潭會奮勤王勇修水
誰招壯士魂亂石叢中尋寨
趾斷垣堆處認軍門雖然寂寞
前朝事興廢茫茫感慨存
為王為虜古來多成敗由天可
若何亂世英雄終草莽衰元
粉飾諱干戈蚍蜉撼樹忠堪惜
精衛填波志不磨生意凜然
千古在夜深燐火滿山阿

萬福寺

王紱 清濃

遮欄水口結高臺聯屐登臨亦
壯哉石磴欹斜衝霧上禪門
軒敞對松開鳥窺密竹驚人去
大隔層林吠客來自笑浮生
成底事楞嚴讀罷愧凡胎

三斗坪感懷遠公由浙宰武後景泰間召為集賢殿待

制不赴官籍坪中

國學 夏雲 參舍

百里郎官浙水賢綠蘿深處老
風烟當時琴鶴清如許此日
溪山畫故然南國別開三斗
派西安長戴萬家天玉堂不
換坪中趣占籍何妨自我先

遊萬福寺

邑廩張翮佳郎

高山橫竦獨當空幽境留人薰寺中雨打疏檣翻竹露絃飄
曲檻響松風幾層翠岫張藍幙一道青溪繞白虹表裡分明
縣眼界舉頭還訝與天通

上頭陀寺呈梅岑叔祖

余興樂存三

拂拂春風度天天桃李枝循途尋古剎隔地訪經師門外原
無雪家山係有絲菩提施化雨弱草亦求滋

初至頭陀寺

貢生盧宣旬來庵

悔不歸來早林泉此地幽路迷山徑曲人到竹聲秋乍覺心
如水誰惟隱是邱老僧何處去破壁白雲留

雅集追先輩扶筇愧此過無才能繼美有志敢同科古木山
中密閒雲屋外多躊躇斜日下飛鳥正還窠

上董源觀音閣

邑舉鄔魁斗曉嵐

境非幽絕不棲僧山寺如斯得未會屋以懸岬高下結橋由
斷澗短長乘十年鞍馬空行篋一榻琴書憶舊燈纔賦歸來
又惜別還當重與說南能

壁田雜咏

邑庠余斗南讓三

花明草碧讀書臺無限春光面面開昔日文壇成古蹟千尋
嘉樹倚雲栽讀書臺

後猊山勢踞中流昂首真疑薄斗牛水作吼聲雲作鬣漫云
溪有毒龍游獅子山

大陂潭水日悠悠烟雨迷離幾度秋一自山人留好句至今
餘韻不東流大陂潭

巍然一柱插蒼穹四面青螺在下風到此塵心都不着幾疑

身在碧霄中

天柱山

九日遊疏峰寺

一名龍王腦

李家俊

課郎

秋色秋聲淡此峰年來九日慣扶筇雲流古屋丹楓靜露冷
頽垣蔓草封有客尋香過石徑何人舀水下寒春齋厨醉我
茱萸酒底事名山更號龍

塘埠竹枝詞

李維綱

昔日西流近北侵灣傳塘埠代相尋至今高岍桑田處掘得
沈航十丈深

連村正月早迎儺裝點兒童學舞戈金鼓磔禳輪值後元宵
燈火逐門過

舊聞打虎擅塘田曾慣長林列陣前近日太平無猛獸鍊鎗
機傘漫留傳

種豆桑陰產物華秋來爭向酒筵誇紅絲數縷杯中起絕勝
仙人嚼晚霞

拜馬守府墓

邑人吳

泗 賓淮

東郊閒步弔忠魂冷雨酸風鎖墓門半畝荒園一抔土年年
杜宇叫黃昏

白頭兵起競銜枚江省西南鼓角哀蕞爾孤城資保障憑誰
畫策掃氛埃

將畧由來破苦辛裹尸馬革屬何人銅標早建原家學又見
將軍是後身

掃盡欃槍氣不舒論功誰與易銅魚可憐此地理孤塚寂寞
金陵望故居

豐樂寺

邑庠

熊肇元 敬修

廿載江城始賦歸，掃除舊恨契禪機。山邨鎖處開豐樂，溪水環中闢翠微。好友常邀沽酒店，清風多伴釣魚磯。大橋西去家園近，紅葉蘆花隱落暉。

五泉洞偕門人余峻

邑廩 張邦達 豁懷

潤物心原急，爭流出大川。濤飛千練淨，泡湧五珠連。噴石晴常雨，穿岷嶼可田。鍾磔詩品妙，琴向綠陰眠。

賓陽橋晚眺

張大經 肅齋

迎恩門外古賓陽，竺壽清風到女郎。罷市人歸紅樹急，還山鳥渡碧烟忙。林間大半要離塚，湖上誰新子侃堂。側帽天津朝易暮，百年世事感滄桑。

四望亭懷古

盧先枝 片雲

賜緋同日拜堯階，訪友閒登百丈崖。郭外一亭高莫並，山頭四面望無涯。重新有客追風雅，話舊何人續等儕。先後凭闌雙宰相，烟荒草蔓正縈懷。

答雲臺寺某上人

柯愈達

袈裟閒坐石臺橫，不定行蹤笑我生。十里秋光回首處，空山烟雨讀書聲。

同畢鏡庭夏占鰲登大崙山

邑庠 李子昂 容圃

高登古寺碧烟濃，老樹蒼藤小徑封。幔卷白雲羅密竹，牕開紅日漏疎松。長拖匹練橫修水，遠出層霄峙柳峰。何日同君參上乘，大羅天外契禪宗。

劍山早秋

邑庠 盛 濤 嘯江

何人報道梧桐落，有客狂歌對夕陽。壯志不隨秋色短，雄心偏耐肅風長。百年事業餘殘暑，十載功名一做囊。吩咐寒蟬

武寧縣志 卷四十三 休晚噪王孫早已問穹蒼

龍潭石晚眺

李 赤 岸秋

巉巖怪石鎖江干返照入江峰影寒蒿艾披離址顆顆龍蛇
剥落蘚團團豐熙第宅餘荒址騷雅風流悵暮巒最是山川
流峙處幾林黃葉聚飛翰

修步雲橋成同友人賦

陳 笏 劍西

年來病涉總傷神喜見長虹臥古津三載星霜心力瘁一朝
車馬往來頻留題藉有青雲客扶杖欣看白社人漫羨濠梁
饒樂事相攜斗酒醉花茵

題破石

邑貢 王崇德 原名

鉛鋒傳寶鏑峭石破茲山修水蟠如帶秋潭淨若閒蛟龍潛
伏處 下卽龍腹潭 水月兩清間 黃山谷嘗題水月雙清四字 世澤開南宋長坪

鎖一灣

題石湖

鏡寫長天色波涵倒影山水寬魚鳥樂歲稔桔槔閒婦餉垂
楊岍碓敲碧藻間最宜秋潦淨新月掛銀灣

地平雜咏

邑人 陳致新 嶺梅

澗水潺湲匯兩渠彩虹齊臥勢凌虛橋邊應有仙翁至孺子
殷勤待秘書

誰將翠蓋聳陰清藉有蒼松不世情野老幾回醒午夢颼颼
滿耳聽濤聲

修江砥柱鎖雄關翠影嵐光霄漢間孰令名山長姓柳讀書
臺上暮雲閒

康山亭子薄雲霓四面峰巒入望低搔首談天空濶處秋烟

漠漠下蕪溪

三釣岨

俗名鑼鼓洞在南鄉其上為瓶源

邑廩盛學蘓屏宇

瓶源瀉處透天池瀑布匡廬想見之繞樹溪聲疑跋浪穿枝
雨點訝纈絲雲根誰躡蛟龍跡石罅常深江海思坐憩茅亭
懷往事喧闐鐘鼓正催詩

四望亭懷古用韓魏公元韻

郡庠舒暢之海帆

依然勝跡附巍牆遺澤先民春思長荆棘坵墟新景物水山
圖畫舊封疆使君星渺人思馬墮淚碑殘我憶羊盡日亭中
望不極摩挲烟樹下斜陽

春日遊鳴鳳寺

舊名毘盧岡又名西瓜寺

盧志組諧石

松杉萬壑翠娟娟礪水奔飛漲野泉夾徑閒花多引屐傍門
餘址半成田雲端擊磬僧傳課竹裡烹茶鶴避烟却笑此身
無暇日皈依何計脫塵緣

次朱明府象牙洞茶詩元韻

邑庠李峯肩吾

謾說盧同七椀茶野人輪惘火前茅金槍剪剪冰壺月玉屑
霏霏石頂花坡老品餘增物色涪翁去後滅聲華從今又得
添佳話休向寒山處士誇

寄呈張閩榻先生

巍峩從笑腐儒冠掩卷何須愼寤嘆跡遠公卿非脫畧雲浮
富貴豈懷安文章揖讓周秦漢古道持循孔孟韓百里相思
嗟歲晚飛鴻不度雪漫漫

水月亭

監生張景瀚

勝踞城西別境開欹盤山麓水之隈一亭秋色江環抱萬頃
波光月送來自擅龍潭清影趣亭下黃山谷題有龍潭清影四字幾經鶴肇

上人才祇今留得浮圖影搖漾東風洗碧苔

修文塔紀事

邑庠盛學暢驥達

欲樹文壇幟先修雲路梯人工彌缺陷地脉認端倪鞭石慚無術登高敢擅題賢侯培植意桃李自成蹊

勿剪亭

州同畢汝昌良青

韓公而後遂名隆底事溪山總不同勿剪阿誰思召伯蕭蕭楓葉下秋風

永慶寺

卽夏堰寺

邑庠盛學黃鍊機

迴龍游覽嘆荒涼作鎮重新選佛場鳳嶺參差分竹瘦獅岬拱峙引江長纜牽洲嘴晴兼雨菜壅城根市亦鄉紅蓼蒼葭秋滿眼伊人誰在水中央

暮春梅顏堰卽事

吏目畢富會文元

梅顏紅紫饒輪蹄歷徧深春醉眼迷水漲不妨漁艇細山高自覺鶴巢低芝蘭向暖宜修禊童冠嬉晴詎浴沂折柳阿誰橫短笛東風吹過小橋西

蟠龍寺

張東辰碩存

濃鎖雲烟石磴斜勢蟠牙爪未全遮路迷丹鼎遺仙址嵐矗奇峰結梵家風弄貝音翻竹柏月移書幌罩枇杷重來此地僧知否靜閉香臺就五車

東湖古白馬廟紀事

邑庠李會春葦舟

綠水東湖柳岫邊董公祠宇草芊芊虹橋過處風波靜牛斗望餘劍氣懸玉柱安瀾羈白馬鐵爐純火裊青烟當年居里誰徵實剩有殘碑得信傳

萬福寺

監生潘元譜菊芳

縣志誤載董晉字混成武寧武寧瓜源人

笑兀獅嵯踞上頭四圍古木帶雲稠長吞鳳口三源水翠枕
桐林一段秋竹掩斷嵯懸石磴欄憑絕壁瞰溪流此間饒有
烟霞趣好對羅天豁遠眸

登玉泉山

熊翼豐 茹舍

尋幽底事到雲巔欲覓禪關白玉泉石骨倒懸秋澗水鐘聲
遙落洞門烟莓苔白綠三丫路松竹常陰六月天對此渾忘
塵世界靈源長濬日涓涓

鹿岡晚眺

熊高德 浴川

仙人西去白雲空躡屐捫蘿暮色中牛峽祇餘春樹碧鹿嵯
長伴夕陽紅荷柴豎返荒烟外趁渡人喧古岫東此日登臨
多寂寞同儕誰憶舊時風

紀綠峰

王子笙 鶴山

巍峩勢欲接穹蒼古樹蕭疏一兩行烟裊迴風嵯嶽出鳥冲
宿霧嶺頭翔綠蘿深鎖金城固峯下有金城觀紅日斜穿石鏡山名光
不是山靈堪降雨誰來絕頂祀龍王

太平山

邑庠 王鳴達 于岸

層巒擁翠插天關流水行雲自往還古殿清幽人對語浮生
幸借片時閑

柳山聞笛

王文馥 西園

寂寂寒山小徑通客心愁鎖梵王宮早春不及美人意一笛
梅花落曉風

業山硯

廩生 盧定煥 黠存

此石埋藏久浮山硯礪多忽然逢匠斲遂爾出巖阿潤澤深
逾好堅貞老不磨瘦吟空谷裡鵲眼顧如何

古蹟八詠錄四

盧元璋 樸山

滿徑濃陰蔓草侵江公底事入雲深讀書此處饒先達俗語
瓜源書臺世傳江萬里
荒唐勢不禁讀書處舊志已辨其非

仙人居址系遼東兩地遼東自不同何事鶴翎難再覩橋邊
惆悵憶丁公 觀鶴橋

菽水承歡信古今娛親詎必自臨深朱公孝行留茲井傳會
無端指鑿尋 孝子井

石磴嶽嶽一瘦岡村童野豎牧牛羊將軍不飲當年馬勝跡
誰留草木香 飲馬岡

柳山讀書臺

盧盛淑 湛虛

伊誰位置讀書臺當日貞公到此來案牘消除心地濶友朋
親密性天開雲邊酌酒酬清興石上揮毫掃綠苔風韻不因
陵谷變名山猶是識栽培

青牛峽

國學 熊羽就 為上

衆山迴合處南北自區分昔日共防虜此中曾破軍交飛溪
上鳥不隔嶺頭雲訪道青牛客悠悠鍊笛聞

水月亭懷古

李心暢

水月流連處逾時一變遷涪翁留此勝清影至今傳路逼江
崕險亭傾石磴穿帷餘蝌蚪字剝落蝕風烟

遊玉清宮

姚一瓊

仙房誰與玉同清老子廬前遠黛橫古樹參天芳草瘦閒雲
繞屋晚鐘輕松花滿布來飢鹿竹翠平鋪罩睡鶯坐對活泉
心更靜飯依遙憶入山情

巖陽山

翁宗榮

崎嶇石磴斜過處白雲遮怪石蹲如虎蒼藤曲似蛇棚民編
甲戶畚燒墾桑麻在昔荒榛莽風烟表物華

老蛤石

高阜多奇特卑岬亦絕倫無聲鳴竅穴有象躍江濱纜擬牽
蚪蚪珠應吐屢蟻地靈非有意長此駐嶙峋

重陽過泗洲寺

盧雋拔墨郎

猶憶當年此梵堂幾回詩酒度重陽追隨兄弟兼師友討論
周秦及漢唐貝葉難尋三昧秘木魚空嚮一僧忙暮雲黯黯
禪關外漫有黃花晚節香

泗洲寺感懷

盧霞舉南州

泗洲依舊此彭隴雲樹蒼茫一望同經室尙傳三世火禪林
漫溯兩朝風跡遺雁嘴山名荒烟外悲在蘆花山名落照中長使
文孫憑弔處摩挲殘碣篆痕工

過方鴈里先生墓

盛躋特村

筍輿偶爾墓前過拜向苔封古篆摩大筆已難求舊稿鴻名
僅得數巍科春風翁仲縈芳草夜月祠堂映玉波屈指於今
三百載蒼茫身後悵如何

望江樓懷古

盧志綏白亭

此地曾傳水上樓當年賓主擅風流祇今極目涇濱外兩岬
蘆花數點鷗

看鶴橋同宗姪綠波分韻

夏芳茂鶴溪

藕花塘畔水淪漪百尺長虹結構奇秋老溪聲流月碎山高
鶴影下天遲家中誰識千年客亭上人傳七字詩城郭到今
如故否清宵莫負共來時

遊柳山讀書臺

陳 範 洛書

夙仰高賢跡今朝躡屐來路忘三徑仄眼向九霄開洗墨空
遺井橫經剩有臺殘碑留古篆讀罷意徘徊

登文峯塔絕頂

國學 盧志絡 北堂

一峯屹起盡雲端入面玲瓏縱大觀烟火萬家山色迥城樓
百雉畫圖寒蹲獅傑閣低塵壤飛鳳閒僧掃石欄不有賢侯
培植意干霄那得士林歡

羲洞瀑布同門人家駟分韻

邑增 余未學

羲皇遺洞在一水落晴空瀆薄千絲雨迷離百丈虹蛟龍疑
有窟懷葛詎無風頃刻朝宗意長鳴入澗中

遊西巖

程 越 超然

聞說西巖擬洞天來遊帳未渡前川空餘獸象蹲山麓巖形如獅
前建小刹剩有鍾聲到耳邊彼岼橫舟還泛泛我懷清興尚翩翩
何時鼓棹乘風濟遍閱靈奇了夙緣

望江樓懷古

盧定垓

不見江干舊庾樓荒垣漠漠草悠悠漁樵未解悲離黍風月
徒爲戀素秋至此踟躕尋往蹟更誰詩酒續前遊當時謔詠
人何在惟有長江日夜流

泗洲寺弔古

盧志綸 載馨

到此方能滌俗衷紅塵遠隔白雲中牽人傀儡誰先悟過眼
邯鄲覺後空補壁殘箋淒夜雨封門古樹瘦秋風老僧不解
悲歌意山酒殷勤勸醉翁

前題

盧志縉 竹吾

無着休稱不老翁禪門那復舊家風經壇草蔓香台冷錫杖

雲飛佛院空澗咽細流危石上山寒野菊暮雲中由來此地
憑先澤田海滄桑啟寸衷

柳峰懷古

盧志純 韻虞

孤峰依舊紫嵐侵誰復披雲一日臨湧翠亭邊紅樹繞貞公
祠外綠羅深石門詩句侵風雨雲壑泉聲變古今徙倚荒筵
還寂聽曉鴉飛上夕陽林

飲馬岡

邑廩 盧書洛 慕伊

山徑欽欽舊有岡岳公策馬討平楊嘉名漫擬長城窟遺像
會留百戰場牧笛橫秋依碧澗樵斤斫晚帶斜陽非關節烈
千年壯那復平原姓字香

棣華堂

邑廩 盧爲軾 凌潮

宣和門內有人家宋代冠裳額棣花兄弟八行才並顯友于
累世愛無差天朝錫類來優詔仁里詒謀自物華數百餘年
傳世德荒涼古屋畫龍蛇

義溪

鄔樹績 煥雲

江州自昔擅名門艾子城西復有村堂錫嘉聲開棣萼溪流
活水兆金昆環家老少垂千口繞膝曾元共一尊雅化卽今
多輯睦好敦孝友奏篋墳

瓜源淨明堂感懷

李子膏

深山茅屋幾何年有客來遊思渺然萬卷藏書隨羽化 國初
李致菴與書萬卷誅 一卷古石尙高懸 石磬 尚存空留明月窻中
茅於此今多殘闕 白誰駕青牛物外旋花落花開春寂寂每教風雨下林泉

足才閣

李心顏

吳公作宰復何如宦橐蕭然善積儲別有倉箱錢穀外偏饒

結構古今餘縱橫
鈿軸鋪緇緞
山芸絕蠹魚
文吏風流兼仕學
訟庭閒處是琴書

棣華堂

周壽階 步三

累世同居艾子城
金昆玉季擅嘉名
芝蘭並秀惟賢友
棠棣聯芳本善旌
五馬由來惟悌弟
入龍端的是難兄
當年佳話留題處
世德祠前樹紫荆

讀書臺

邑庠 張廷範 對松

有客飄然憇靜居
山陰隱隱結精廬
窻開圖畫裁新句
石長莓苔曳舊裾
得意深時無富貴
賞心多處是琴書
鳥聲漫擬江南曲
暮屨村烟遠望餘

重九登慈仁寺鞍峰

方道隅 砥廉

重九雨何曾鞍峰
試且登原田分歷歷
焦土拆層層
日近當頭好雲浮
過目能幾時
甘澤降食價庶無增

同余奠邦宋良遊淨明寺

邑庠 張夢詔

禪關同寂歷
到此更清幽
柏老囊懸蓋
松蒼劍挂虬
許旌陽懸此有
懸囊柏鳥驚雲外客
泉瀉石中秋結願
香烟冷仙踪
自永留

石湖晚眺

熊美芬 谷青

獨立晴湖秋石間
晚風吹浪細灣灣
村烟欲暝崑前路
斜日猶曛水面山
牧笛吹殘疏柳暗
碁聲敲罷白雲還
貪看暮色無邊際
沽酒人歸月半彎

雙嶠寺

邑庠 劉運晃

萬仞山頭一刹懸
鐘聲響入白雲邊
我來誰與參同契
別有維摩一味禪

柳山讀書臺

邑庠 張志書

一峰高出絕塵埃自古相傳幾劫灰司馬何心留勝蹟到今猶有讀書臺

定嘉坪卽事

林鶴問塾

呼童鋤藥去緩步入幽林徑曲蟠香草溪深蕩水禽撫松鮓小憇倚石試高吟客少柴門冷歸來酒獨斟

九日同友人獅嵯分賦

李宗陽滌波

雲鴈度禪關尋幽喜共攀牧童斲野徑樵斧響空山北拱峰千疊西流水一灣登高無限趣楓葉醉中顏

迴龍寺

邑廩劉占鰲

修水荒荒去東流迅入河岍迴翻浪急市近泊船多貧衲挑蔬菜頽垣長薜蘿野鷗遊興緩初趁曉鐘過

登山臨水亭

邑增杜中維

狻猊石鎖大江流特起危亭最上頭古閣雲飛紅樹迴遙天鴈度碧潭秋四圍風景憑欄集幾輩詩人載酒遊西望山城真畫裡夕陽林麓下汀州

獅嵯對雪

歲貢費鍊華

自愛獅嵯入畫圖更添粉本重追摹山寒村舍炊烟靜雲凍園林老樹枯流峙分明皆入定高低界劃竟如無此來正好參同契白雪峰頭是我徒

四望亭懷古

監生李和春

突兀高峰壓女墻名亭勿剪繫思長綿綿阡陌新禾黍漠漠雲山故井疆樵客豈曾迷覆鹿牧童仍自策羣羊文忠勝賞今何似又看遙岑下夕陽

足才閣

堂陰傑閣已成墟。緬彼吳侯倍悵如。觸目一庭荒草滿空聞。
萬卷縹囊儲春風。自昔懷廉吏雅韻。于今息燕胥。安得宰官
重繼美公庭。詩酒疊相於。

義溪

邑庠 盛時珍

七世同居號義溪。勲名奕葉等雲霓。桑麻雞犬桃源古賓客。
兒童錦里齊花鳥。一庭饒竹帛風光滿座盡金泥。忠君愛國
更誰並世德。堂中擅品題。

讀書臺

葛昌園

荒臺一徑翠微通。勝地標名自柳公。那見詩書依石室。但餘
烟霧隱茅蓬。明窻洗盡三秋雨。古樹吹殘五夜風。幾輩投閒
橫臥榻。滔滔修水悵懷中。

遊岷山

山有白羊峰羅漢崖
峯平石風洞者勝

吳宇昌 經文

借得遊仙屐。來尋物外天。烟銷孤佛出。雲暖一羊眠。空洞風
難息。殘杆跡自傳。奇幽窮不盡。斜日挂岷巔。

看鶴橋

聶以淦

本是遼峰得道仙。翻飛白筆上青天。歸來幾處留聲韻。冲舉
何時任往還。逐隊征鴻秋月夜。營巢乳燕晚風前。當年羽化
憑誰問。雁齒橋頭悵晚烟。

遊九宮山

國學 吳 黻 蘊堂

十載臥遊天下勝。九宮奇境那能逢。雲連布水疑飛雨。風撼
虬枝訝嘯龍。山上石頭傳試劍。殿中遺蛻識三峰。有仙卽
是堪名處。况乃孤高駕萬重。

孝井

國學 盛 年 茹霞

朱公孝感漫通天。掘井無多已及泉。抱甕不勞修綆汲。挈瓶

詎假轆轤旋承歡幾輩推賢子并養阿誰愧俸錢甘列祇今
稱古跡櫺星門側草芊芊

遊龍潭寺

陳權齋

梵刹鎮江隈尋幽越曉來老僧披破衲敗壁補蒼苔燈影時
明滅禪門任閉開夕陽迷舊路幾樹暮煙堆

柳山讀書臺懷古

邑廩 陳鴻幹 掄實

柳峰秀削蠹江邊司馬遺蹤尙宛然自古書生能料敵從來
隱吏卽成仙安排棊几尋真樂掛起湘簾豁遠天千載高風
何處覓白雲繚繞翠微巔

前題

邑庠 陳治方

修江七百勢逶迤絕頂登臨一覽之萬岫碧雲疑送畫半空
白雨欲催詩苔痕淺逗青紋席草色斜侵綠字碑回首夕陽
亭影裏高山流水溯洄思

前題

陳繼案

抗言曾記謝張公直節森森孰與同風月臺邊任吟咏由來
宰相號山中

柳山寺

歲貢 張曾勳 巨虹

落日映仙關高峰壁立閒人來青嶂外鐘出白雲間寺古松
遮牖禪空月照山書堂遺址在砌下水潺潺

登青山寺望九宮山

直上靈山縱大觀諸天結構倚雲端磬聲縹緲沈幽壑鳥道
依稀繞翠巒地脉遠從千里續嵐光高向一峰攢謾言挾纒
來相訪冰雪炎生六月寒

遊長墅源

黃 湘 橫溪

四面周遭倚翠巒人烟高出半天寒窮源有路崕幽仄野渡
無橋水屈盤林木霧深疑豹隱溪潭浪靜想龍蟠此間應種
桃千樹留待重遊仔細看

九日登四望山

黃兆楨 柳塘

崕岫蕭疎積翠同尋幽到此興無窮茱萸插滿登高鬢木葉
飄斜落帽風遠水長拖秋練白晴嵐高映夕陽紅當年勝跡
今誰問勿剪重留錦字空

由西安赴章門

邑令 陳瑞球 羅田人

東風吹送箬溪船夾岼垂楊裊碧煙記得年前停泊夜一篷
寒雪聳詩肩

三碁舟中

晴隰鋪金菜著花炊煙隔樹幾人家支頤坐對遙山雪一霎
風帆到白楂

西安清明

遠烟霏雨入垂楊菜麥風來撲嫩香又是清明時節近五年
空憶土門莊

獅崕晚眺

李啟元 蓋三

狡狴突兀搏雲出斜瞰寒潭百尺空石蘚斑斕沿淨綠山花
零亂墜殘紅鶯啼古樹春風裏人倚危崕夕照中閣上鐘聲
天半落參差漁火起江東

遊萬福寺

生員 鄧匡本 梓儒

山深藏古寺數里碧雲浮曲磴盤空上飛泉瞰壁流鳥鳴叢
樹裏人立萬峰頭歸路斜陽外疎鐘晚更幽

艾城晚眺

萬朝 西齋

夕陽樓上思茫然望盡東南半壁天
吳楚分關橫積翠乾坤到眼盡寒烟
還林鳥亂城頭樹歸市人呼渡口
船我倚危欄歌一曲乘風吹入暮雲巔

劍溪曉望山雪

高 懿 近泉

寒雲蕩漾散晴空曉上高樓望遠峰
昨夜青山千萬里北風吹作玉芙蓉

高屏山

盧定榜 異齋

結屋山腰地不寬兒童伏檻數峰巒
草堂無客雲來往百尺飛泉瀉碧湍

舟過中潢

萬寔吾

雨後舟行過石磯雲山隔岫掛晴暉
誰家竹裏斜懸網阿婦溪頭獨浣衣
杜宇聲催田鼓亂垂楊枝帶暮烟飛
客中留滯驚春老西望蒼然返照微

南渡新洲

盧森楊 綠村

舊是城南渡潮平忽見洲岼容如待臘
江影若爲秋勢欲蟠沙起情還逆水流
暮烟橫遠浦人喚木蘭舟

重陽前四日偕陳棠舟鄒小園陳作舟
登獅岨復過觀音閣小憩

錢塘茂材程 綬 研北

爲防風雨阻清游預約登高散旅愁
遠水劃開雙塔影亂山圍住一城秋
棊枰客自誇神手 時座客奕棊 米汁吾將禮佛頭
生長西湖名勝處漫來此地小勾留

重九日同人登四望山歸集評詩讀畫之室
秋河合尹用余登獅岨韻賦詩疊前韻酬之 錄一

使君冠帶爛同遊特設千觴遣四愁
有色香惟桑落酒最清

寒是菊花秋詩盟莫漫爭牛耳醉態難教畫虎頭蕭介文章
臧盾飲古來一樣美名留

遊太平山及宮

邑庠 楊樹元 體之

凌霄逼漢獨居尊俯瞰重巒子若孫日曬頭痕天作蓋雷喧
脚底雨傾盆層杉影影青來砌鼓吹聲聲細入門山色不殊
風景異何須世外謝塵氛

暮過馬岡寺題壁

邑監 盛 宏 更生

誰識馬岡上悠然選佛場野田紆徑綠苔草沒堦荒磬定雲
俱寂松吹心自涼蕭蕭人境外閒坐但焚香

一榻松堂靜我來適晷旋高僧能愛客淡月自留人煮石流
香遠裁雲琢句新聞山如可接吾亦結吾鄰

五鳳山寺

邑庠 王維齡 冠西

一榻松窓下蒲團坐老禪雲間棲五鳳都與靜爲緣

龍王崖

在下南鄉
晴雨輒應

余希朝 對思

絕壁乘斜磴龍龕望翠微點崖方躡足披莽欲牽衣神像巖
爲室蛟宮霧作扉一夫當險處升降莫能飛

再遊武寧舟次三碁

御史 鄒玉藻 奉新人

苦雨添春漲江心一葉寒艾城知不遠默默倚篷看

節婦潭弔古

貢生 盧金鏡 秋水

竟不澆杯酒長孤絕命吟潭澄寒徹骨月朗白當心愁柳千
年在悲風萬壑深偏茲巾幗裏名節比高岑

羅溪

邑令 吳之彥

橋作機兮魚作梭此溪因以織成羅風吹水面龜紋縹雨打
波心象眼多萬丈不容紅粉染一絲那許綠藍拖我來欲買

武寧縣志 卷四十三 藝文近體 四十三

賦春服試問天工價若何

贈朱松齋明府集武寧縣志中句 鉛山余成教奉新

蘇黃誰與契高風百尺甘棠感召公題品我慚無妙語老夫

不與縣官同

半山樵歌

邑拔 貢 余見龍 淡溪

野調依窮谷悠然自往還松聲尋逸韻流水共幽閒出沒雲

烟外縱橫泉石間長歌清晝永新響滿空山

過慈姑嶺贈陳會雲

貢生 熊鎮瀾 歐廬

方圓二井仙泉滿遠近千家慶澤長天遣慈姑仁庶物大田

齊咏稻花香

業山示同學諸子

邑人 周 璧 紆原

山齋一徑翠微通面面嵐光迥不同白水階前翻石壁紅花

谷裡隱茅蓬消閒坐看雲生牖習靜時聞雨滴空為語諸生須

著意文章煙景滿山中

春日登南山

邑廩 生 葉如范 鄒生

萬仞南山翠插天扶筇登眺思悠然柳峯聳秀屏環外仙鎮

凌空咫尺前頂上分明低日月脚根縹緲走雲烟春光淡冶

風盈袖浩蕩乾坤妙畫傳

訪竹林館

張 望

一屋山深水更幽萬竿脩竹簇紅榴露香摩墨花陰几雲氣

封門漢傍樓濯濯道心酣午夢丁丁棋子落寒秋天教高士

將麕鹿山北山南興未休

潭埠曉發

舉人 余世蘇 吾坡

又向章門去淒涼作此游一江漁火淡兩岸曉烟浮歲月灘

頭水風波海上鷗家山猶在目客思正悠悠

遊丁仙觀

邑庠 生 余 珊 鐵愚

為尋仙蹟認幽棲藥灶丹爐舊是非
一自遼東人去後何年華表鶴來歸
柏陰遠覆莓苔石古壁斜拖薜荔衣
到此可能分半榻浮生應許暫忘機

獅崖秋望

邑貢 生 洪達霖

獅崖高聳水迴環砥柱中流此一山
竹翠交加丹閣裏松濤瀕洞畫樓間
江涵白雁清秋影徑繞黃花古佛顏
勝地心何潑潑紅塵飛不到禪關

青牛洞口晴雲

余仁瑚 右夏

天高雲影薄縹緲更何依麗日開虛景
乘風裊白衣隴頭秋共老洞口鶴俱飛
遙指帝鄉近還思相與歸

蘇峯寺秋夜懷友

邑庠 生 邱 白

半榻茶烟閉竹扉蘇峯風雨夜相依
緣何江路清秋隔燕子歸時雁獨飛

送友人舟發巾口

驪唱巾邨送客舟殘霞一陣雁橫秋
晚波風迅蘭橈發空對白雲江上流

大觀樓落成陪許勉齋明府宴集

郡庠 雷應時 妙村

南樓舊倚大江濱保障功懸傑構新
縹緲丹楹森雉堞參差碧瓦疊魚鱗
雨絲密散千村曉花錦濃堆一縣春
勝地華筵冠履集風流倍仰宰官身

振衣隨步大觀樓畫裏空明恣遠眸
水上海光檐際閃林端雲影鏡中浮
江天豁達開生面賓主縱橫宴上頭
消受春臺

風日暖老人扶醉進衢謳

新峯雜詠

邑屏生 黎中秀

新峯開淨境莫更問東林古佛精光現曇花匝地深

新峯寺

城嶂周遭合石門一徑通不須頻鎖鑰時有白雲封

不二門

洞外蒼苔老洞中玉液深留教仙子汲未許毒龍侵

玉洞泉

混混雙溪水交流一色清石梁三道接上應泰塔平

三台橋

題萬和圃先生所得宋黃文節公銅雀臺瓦硯七律二

章

邑舉人 余韻珊 海門

建安歌舞宋文章閱徧千秋瓦一方片石何緣倖夏鼎高臺

久已付滄桑阿瞞事業歸銅雀山谷風流見瓣香畢竟古今

誰不朽硯猶如此我思長

摩挲銘志認鄉賢

硯有山谷銘志

一石三生信有緣條辨魯魚存史

筆

硯山銘志與山谷集所載微有不合者和圃作記辨精詳

愴懷今古見名篇從來隕地

星成石一自開函劍躍淵嘆息涪翁真好事不教贊伍

山谷銘詞

云不與贊為伍 待君傳

豫寧書院呈李白邨師

余士駿 少棠

狂來一說野狐禪長大會難故態捐宿魄未銷空倚酒頑根

可賣不論錢有時自得閒拈韻無處尋思漫撫絃何似薰風

頻着物聲兼山雨夜連綿

重遊石鏡寺

邑歲貢 余士驥 雲耦

突兀層峯小洞天登臨此會更悠然鐘聲靜與泉聲遠雲影

低隨樹影連幽榻經開風動貝小牕心定鳥窺禪伊誰斗酒

還相約重結名山未了緣

槎溪十景

例贈文 林郎 余善世 禹聞

層巒疊嶂繞重重寺外香爐起特峯最是日來雲去候飄搖
一段紫烟濃香爐紫霧

石徑迴環透竹松禪林靜處白雲封吟殘一片團團月好聽
山僧打夜鐘山寺清鐘

山下清泉一道開幽崖瘦石長莓苔岩深浪說多奇獸惹得
秋風獵父來聚獸幽岩

舊感新愁入嘯歌蕭蕭古洞寫懷多而今不見猿啼月野徑
烟殘鎖薜蘿啼猿古洞

春到山窩識得無花開紅樹草平鋪桑麻隴外聞雞犬依舊
桃源古畫圖桃窩春意

兩峯高立護雲深石坳蘿青合弄琴除却午明山日過任教
晴霽總生陰蘿坳峯陰

嵯峨峻嶺對窓橫時有清風繞樹生領畧此中天籟好閒來
松下聽濤聲橫嶺松風

數尺虹腰卧野津津前楊柳幾經春頻年眼色青如許看盡
橋頭去去人橋頭柳色

寶座巍然絕嶺懸玉堂何日謫來仙無須上界尋瑤島滿塢
烟霞即洞天仙人寶座

半弓新月落山坡石齒層層透露多細雨如膏草如髮遺梳
猶自說韓馥韓馥銀梳

偶憩烟山石亭與張生尙銘分韻貢生盛世

人生飄泊等浮萍豈有前期此地停曲徑通時低崕巖懸崖
立處走雷霆關心遊客歌還笑放眼詩人醉復醒喜挈門徒
登絕巘清風爲送半山亭

湛軒夜讀示門人石育淳昆季

邑庠生 余復 牛鱸

文章煙海浩難工慕道方知道岸崇豈有高才嗟屈夔漫將
小技鬪雕蟲三春花影齋延月一院松聲座引風風月往來
真趣得襟懷端不落塵蒙

九宮山

貢生 車運亨 奇峯

粒粟浮人海飛身眺渺茫兩肩摩日月一掌辨元黃不見山
中靜焉知世上忙逢仙吾欲問何處話滄桑

瞥欲冲霄去罡風拂拂牽胸羅諸佛相衣惹上方烟鳥夢曇
雲地鐘聲甕谷天名山勾引我因果證前緣

秋日登萬福寺浮屠

邑庠生 舒暢之 海帆

秋風吹我到危巔如此招提興渺然下界人歸塵莽裏飛崖
屋傍斗牛邊堪嗟紅葉憑誰醉最愛黃花不受憐指點虛無

還淨理木樨香裏坐參禪

遊珠崑

偶乘勝日至珠崑最好幽尋此洞間峭壁忽凹生鐵結懸崖
如蓋畫雲斑三湘有雁天初冷一座無塵我獨閒願得攜琴
彈夜月照將清韻出空山

重登蜜峯尖

邑舉人 王顯仁 芥園

此峯高秀草芊芊有客登臨氣浩然薄午雲初收翠嶂舉頭
身已在青天放開眼界三千里隔斷遊人十五年逸興渾忘
塵世慮觀空時復聽流泉

飲馬崗

太學生 潘元譜 蕉雨

長崗絡繹艾城西武穆當年駐馬蹄烈血一腔泉底徹神驅
八尺望中齊聊將飲水酬饑渴何用投錢競品題千古冤成

三字獄行人淚灑夕陽低

秋夜仙源寺西樓卽事

石載華

谷園

一榻橫空踞上游夜深時聽水聲幽偶承竹露供鸚鵡又放
茶烟逼斗牛松塢影隨千澗月桂花香送滿樓秋良宵靜坐
閒消受撫卷還教繼蔣侯

登梅巖

邑庠

畢文矩

懋齋

十年蹤蹟溷塵埃今日登巖眼界開泉水聲隨飛鳥去梅花
香引好風來白雲直接高峯影青竹橫遮老石苔蓮寺鐘爭
龍隱寺名發居然驚嶺任徘徊

九日陪諸友人遊石鏡寺

古鶴園東訪上方羣驚鐘鼓望微茫山僧洗鉢雲攜袖午客
穿林足履霜木落遠程飛鳥道虹殘斷岸映禪房到來始悟
無生靜月下黃花滿地香

東林寺和余石園過訪留贈原韻

邑增

喻志恢

曉楚

不遂科名願蕭然寄一峯師生敦夙好山水契孤踪友惜常
時別文論此地重開尊忘日莫淡薄意偏濃
送子春山下山溪滾滾深小橋穿野徑南渡起層陰身世同
萍梗交遊自玉金致聲兩珍重老去不勝斟

和友人登文峯塔原韻

把袂依然古渡東茫茫世事總成空先人舊址黃花老今日
書聲榭葉紅天地無情藏我拙溪山有意爲誰工高登七級
文峯影一片秋烟下遠鴻

武甯城

盛

儀

定帆

海昏百里舊河山匝匝風雲指顧間一水中流分地脉雙峯

屹立聳天關溪園依舊人何處烟月長空鶴不還幸得昇平
風俗好蕭蕭門館日清閒

武安山荷池

稜稜石壁樹旗牙鞞鼓當年日幾拋不信將軍經百戰寨中
閒得種蓮花

春日游馬崗寺

雲山春日麗步履且閒行天好花爭放林深鳥亂鳴香厨通
碧澗僧飯煮青精松子沿階落時招野鶴聲

雲巖寺曉鐘

余學川 度雲

寒山凹處着枯禪幾點鐘聲出樹圓不是姑蘇來夜半驚人
殘夢曉霜天

遊半源東陳馬二生

訓導 方 觀

一谷弓圍兩三家乘春不厭路橫斜平田舊水添新水夾岸
桃花間白花肅客壺留梔子酒登盤圃有此君芽半源想見
桃源境嗟我年來始泛槎

秋日游柳山讀貞公祠碑

邑庠 李 藻 春池

霜花秋淨柳公祠片石猶存宋代碑天遣孤峯撐日月人從
半壁搗蛟螭綠蘿深鎖名賢蹟古蘚斜侵幼婦辭千載高風
重下拜溯洄臺址寄遐思

嶽山寺贈清靜和尚

邑拔 傅翌商 資軒

徧攜衣鉢度紅塵那得菩提自在因滿地鞋香花帶雨一天
笠影月隨身殘鐘疎磬閒閒寺流水高山寂寂春聞說當年
曾結社漁舟可亦問迷津

頭陀寺月下閒遊

邑舉 余鳴皋 鶴所

皓月禪心寂幽林散步看人遊蒼樹外犬吠白雲端把酒松
閒醉援琴石上彈枯鐘敲不歇想是夜將闌

與盧君紹之夜過龍潭

郡庠生 夏賢少非

大江波倒捲有客夜乘風螢火隨船綠漁燈傍岸紅潭深龍
不怒天淨月當空遠近帆俱泊予懷渺未窮

金城寺卽景

鐘聲招我叩禪關大宋樓臺剩幾間野渡迷茫三面水人家
隔斷四圍山僧忘寺破風兼雨鳥愛林幽去復還參透牟尼
談孔孟也能不慮石頭頑

水月亭

監生 盧志綱

勝跡天然別境開艾南山麓水之隈一亭景色江環抱萬頃
波光月送來目極龍潭清影處心儀鳳藻軼倫才昔年黃鄭
疇旣在千古風流信擅哉

登靖公崖最高峯

歲貢 余詒翼園

峯頭矗起明嵐飛躡屐凌虛入翠微一道懸流歸絕壑千尋
疊巘散斜暉雲開北嶺堪摩斗雨歇南山賦采薇他日抱琴
還過此清音不聞上人扉

訪丁令威故居

邑庠生 余璣佑亭

古柏仙居絕世塵當年跨鶴話元真雨昏紫鹿嶺頭客雲暗
青牛洞口人片石誰尋餘蔓草遺巾何處剩榛荆我來憑眺
崖巔立那見還山一問津

九日登萬福寺

邑增生 王鳳舉 花窗

登高難與故人期獨倚禪關有所思遣興聊傾新釀酒關情
強和舊題詩秋風落拓剛前度晚景頽唐况此時且幸餘生

還健步白頭爭插菊花枝

萬福寺

湖南侯
補縣丞翁 蔡 傑江

艾城東去路盤陀古寺長松掛薜蘿稻熟平田環白水門開
遠岫見青螺空堂草色禪心淨老樹蟬聲畫意多好是閒雲
留小住匆匆無奈夕陽何

嚴陽山行

竿碓山行鬢漸華竹兜多被白雲遮深林怪石蹲如虎老樹
蒼藤曲似蛇俗好棚民編甲戶年豐磽地茁桑麻昇平到處
熙遊景老稚柴門聽鵲譁

三烘灘

泝盡三烘棹門迴又見山灘聲風雨急石色古今閒勁力爭
先處高流截此間送篙深過險小憩泊前灣

涇灘

三十涇灘路春流一枕高山雲靄疊岫沙草綠平臯怒石森
如戟迴灘勁受篙泊舟烟市外隨意買村醪

登太平山

國學
生 王利賓 西園

策杖尋仙跡盤紆鳥道通地連吳楚界人溯宋元風古柏巢
元鶴方塘浴晚虹山樵迎客話指點到神宮
古洞何年闢清虛萬籟空丹爐留舊迹石室構神工離卻塵
氛外行來道氣中遺骸今尙在炯炯看雙瞳

仰天堂

即湯泉寺

余士馴 誦齋

一寺依岩窟仰天天幾何山幽人跡少樹雜鳥聲多深罅屯
雲霧危場長薜蘿定知門外塔依舊鎮羣魔

登太平山

邑廩
生 王賚 占 季雅

西風吹面露沾衣鳥道迴環上翠微人跡陡驚巖石立籃輿
時觸怒雲飛山川不老仙何在天地無窮想入非海外青禽
何日集蓬壺高處叩元機

廉村懷葉公願言

葛青園

何須北面擁生徒力學窮經只自娛天爲巖廊儲大器人從
環堵卜名儒高排碧漢祥雲見得衣緋袍主眷殊公與韓琦第
二公第四臚也時太史奏五色雲見詔前十名皆得衣緋惆悵前賢今已往芳蹤誰與並
馳驅

節婦潭

邑歲貢王 禮 均堂

行裝誰檢女兒箱絕命詞成早斷腸縱惜才華舒錦繡却因
薄倖碎圭璋夜臺定不歸環珞墓草終堪耐雪霜早識使君
先有婦那能白水共流芳

涑洲竹枝詞

邑廩生王 序 射圃

勝似漁家水作田少風波處度年年閒來笑話生涯事幾箇
灘頭賣菜船

荷畚攜鋤破晚烟人家菜摘夕陽天阿儂曉起開門早趁賣
清晨飯熟前

一肩蘿蔔白於霜十字街頭客解囊莫把小錢難糴米阿家
要辦過年糧

遊朱家山

歲貢生葉有聲 駿齋

莽莽層巒倚碧空接天雲影望冥濛翠微一帶開生面武穆
當年著戰功曲徑崎嶇藤礙屐小橋橫巨石張弓持節不盡
登臨興獨下青蔥嘯晚風

烈婦詞

李家賓 尙軒

聞說冰操徹骨寒從容俟義古來難從何學就明兼決巾幗
名中永不刊

琴劍空空壁上懸回頭誰與屬家傳不堪到眼傷心事和淚
棺前付火燃

閱徧浮雲世事難無兒強似有兒看田園盡付家先廟為龔
良人耐食安

生壙同塋姓字分生時預作死時文渾身編素剛披就一夕
長歿臥白雲

歲暮詣天竺寺留別老友方春湖孝廉風地學博暨浴

渠上人 庠生 鄧穎

崖枯木落意蕭然靜養名山別有天經幌客園寒火坐禪床
僧抱凍雲眠瓣香重叙三生話杯酒仍添一夕緣可奈明朝

揮手急何時風雨倍流連

館南遼山 邑庠 陳廷階 鼐軒

為有園林好種芸仙壇乞與道人分夢清竹簟閒中得香溢
檀鑪靜裏聞對酒遊將初上月看山帶入晚歸雲數椽老屋

修篁擁俗慮全消仗此君 邑廩生 葛方拔 卜川

千載迢遙賸墓田斯人猶憶古名賢徧交鳳逸龍蟠士愛讀
雞碑雀錄篇上策能安淮蜀地徵車枉載省臺箋我來憑肅

衣冠拜一帶荒涼落照天 國學 葛方泰 石生

特地孤峯峙幽居附數楹棄官非好隱避世且懷清卓識戎
謀破剛風要路輕讀書原適用思與曩賢盟

仙厓

葛醒懷

黛浮林影翠浮煙細數山名夕照邊洞裏音塵真縹緲旁厓
削立盡呼仙

遊潔溪山

山內有趙尹坑
相傳趙尹至此

郡庠生

杜春華

芳洲

高潔頭銜慕一生溪山無主我孤行蒸雲掩映桃花塢帶雨
蕭疎桂竹坪鶴放青天驚客夢鷗盟白水想官清數叢芳草
經誰賞父老爭傳趙尹名

河鼓洞

職員

葛盛鈞

如衡

危崖絕壁勢嶙峋飛瀑迢迢白似銀沙石難填無底壑瀦流
盈溢過前津

正當山偕諸子散步

邑舉人

喻贊猷

魏齋

禪林枯坐久散步共追隨嶺樹疑簪簇巖雲似絮披鳥驚人
語候犬吠客來時忽聽疎鐘響悠然動遠思

柳渾書臺

國學生

翁業

書臺平廣破雲隈秀峙巍峯接斗魁絕巘石床旋日月參天
文筆走風雷蕭盧同志新編輯袁李多才舊侶陪吟眺萬山
羅足下柳堂青映嶺頭梅

鄭氏草堂

別業新開處士風草堂宏敞碧池東鴛鴦羽翠渾波綠菡萏
花光奮日紅跡謝公卿疏客到居隣市井轉塵空仙人鶴化
何年返願共乘虛碧落中

堂近看鶴亭

承慶寺冬夜與王季雅圍鑪對酌

副貢生

夏錫璜

半壁

夜坐禪房冷圍爐快友生綢繆來雁思珍重寄梅情飲暢傾
三斗譚深盡五更霜鐘鳴未已寒月竹陰橫

馬山即景

邑庠 劉永貞 資生

一峯青襯白雲飛，勒住瀧流鐵甕圍。閒過石亭高處立，行空

天馬認依稀。山形如馬凹處建有石亭

懸厓如掛嶺，如撐路破蠶叢。冒險行，最好道旁泉。一綫在山

流出十分清。路旁有飛瀑

芙蓉帳外澹烟留，十八層巒翠黛浮。信有觀音能說法，引他

羅漢盡低頭。有山名帳裏觀音又有峯名十八羅漢朝觀音

良工巧琢石痕新，天矯游龍妙入神。滿壑雲雷未飛去，不知

誰是點睛人。石壁鐫有龍形

孝井

邑人 申華山

如何平地湧甘泉，孝子當年軼事傳。廿史誰思名蹟錄，一杯親愛小爐煎。分明咫尺孺星地，快慰平生孺慕天。到此願言

嘗一酌，轆轤閒咏蓼莪篇。

仲春過柳洞寺訪鄧君柳中

例貢 趙壽清

為訪高人入洞中，白雲深鎖梵王宮。鐘敲暮日禪心寂，簾捲虛堂俗慮空。採藥僧纔歸古逕，讀書人久坐春風。縱談斗酒

渾忘醉，五夜瀾翻氣倍雄。

遊魯溪洞

冷春年 醒蕉

洞開山曲水中流，張炬來探七月秋。俯視仙田留缺陷，仰搥神鼓落聲幽。玲瓏怪石危懸疊，兀突潛龍倒豎遒。我欲尋源還自却，葫蘆峯下暫回頭。

觀音岩

太學 盛 珮 水巢

偶挾登高興，探岩快此遊。一窩藏太古，萬壑做清秋。邃窟蛟潛伏，蒙泉水暗流。何當披石室，為構讀書樓。

晚過燕山亭

職員 盛學烈 益齋

大道長亭客幸攀行蹤剛到便開顏回頭悟入無人境對面
飛來何處山茅舍幾椽松竹外雲烟數幅石泉閒誰家短笛
橫吹過驅犢村童暮叩關

溪園

盛 型 惠人

權奸誤國可無言被放歸來尚有園消受溪山風味好池亭
花石亦君恩

觀音岩

盛 堇 熈移

搜奇尋舊蹟磴磴細摩娑一縷青煙瘦雙拳古石訛觀空何
處著定相本無多那得拋塵鞅靈山數許過

涿洲竹枝詞

王之鐸 春衢

艾城東下此分流一嶼當心喚涿洲不種稻梁種蔬菜勝他

農父四時收

人烟八九自成村節婦潭澄水未渾束得菠芡郎出賣小籬

芭外飼雞豚洲南側有節婦潭舊傳戴氏婦沉此

白蘿蔔換米鹽同青芥乘時也要栽更擬來春售嫩韭銀魚

休販入城來州產蘿蔔最美市中治春酒競尚嫩韭珍於瑞紅銀魚

柳綠桃紅二月天潑澗涿水照鮮妍斜撐一道春光破可是

兒夫賣菜船

朱家山尋岳武穆斬賊處

繆驥郵

撥雲躡上最高巔怪石嵯峨古磴懸忠武當年遺跡杳不知
何處血猶羶

題喬松圖壽朱明府松齋先生

太學 盛紹曾

大夫本是後彫身華蓋凌雲健有神古柏同心梅作友幽篁

結伴鶴爲賓蒼顏已老偏餘秀勁節如公但率真畫裏歲寒生意滿小春時日祝恒春

柳峯

張拱元 楚生

四望雲低不盪胸忽於此處聳危峰豈緣依傍凌千仞自顯孤高俯萬重卓絕應同詩史筆清空疑有羽人蹤遙瞻天半秋痕淨似把江波滌黛濃

修水

泉匯黃龍瀉碧巔長江一道綠如烟岸傍官柳半臨水灘外孤帆遙拍天繞木石間青阜讓靜風波處白鷗眠阿誰網得鯨魚好且向蓬窓割小鮮

遊魯溪洞

邑庠 劉崇鋒 鹿陵

破險臨深澗探幽怯曉風猿停諸壑靜鵠立一山雄景徑迷

樵蹟危橋掛斷虹渾舍已太古况復洞天中

登觀風山

劉崇錦 聽松

昂首凌霄漢塵寰指顧窮雪泥名勝似蔓草廢興中遠水吞吳鎮羣山範楚宮百年都是幻一覽萬愁空

初過大塘普安精舍偶成

柯愈嵩 下南 冲人

結宇平原上青疇四面交籬皆憑犬護花不惹鶯捎蠟屐剛遲躡鐘聲忽亂敲老僧迎客入晚飯剪溪菱

過羊腸山

張凌雲 仲之

峭壁嗟峨界楚吳誰云九折反吾徒回頭忽覽平原裏水白烟青一畫圖

過馬脊山

崎嶇緩步不嫌艱欵欵如升劍閣關自有一般高處味愈經

盤錯愈安閒

留雪草堂故趾

國學張元韻 度閑

季子留芳蹟於今我暫家斷碑題甲子古篆走龍蛇春雨聞
晨杵秋風對落霞塵封誰拂拭惆悵後園花

秋日同韋翰吾潘又甫林成之獅崖分賦

載酒登幽刹乘風醉薜蘿竹聲搖古院日勢動秋河佛座無
僧梵荒亭有客哦神龍深不見厓上一摩挲

小立危亭上斜陽映翠微潮平森石齒烟老冑禪扉秋氣但
空色道人無是非壺中傾欲盡晚磬數催歸

暮秋遊九宮山二首

王壩 秋圃

躡屐尋仙蹟登山謁九宮白雲剛出岫青靄正浮空劍氣羣
峯豁松聲萬壑通何當歸思迫倉卒返塵中

信宿遊蹤迴依依戀翠微風號霜葉落雷吼瀑泉飛眼底諸
峯伏塵中萬狀違道人渾不俗可與共忘機

龍潭寺晚眺

王昌均 子平

飄然來古寺拄杖步斜曛老樹籠輕靄蒼崖宿暮雲徑花寒
有艷潭水靜生紋人籟山城滿禪關杳不聞

石口觀音閣

王英龍 韻廡

高閣臨江萬樹濃青山一半白雲封瀟瀟風雨飛來急松作
濤聲浪亞松

九日遊迴龍寺

余謙 邑人

重九閒來荒刹遊霜林寒竹靜悠悠遙峯挂練倚天立落木
迎風逐水流短砌莓苔深屐齒虛堂笙磬軼岑樓無端得醉
醪釀下空盼靖黃一唱酬

雨後遊西瓜寺

邑人 舒建鐸 禹門

曲徑盤旋入白雲，敲殘鐘韻隔山聞。
水田歷落添新漲，竹樹清涼絕俗氛。
一座荒碑餘鳥篆，數椽古刹半苔紋。
老僧竟日容吾醉，只解行吟下夕曛。

獅崖紀勝

太學 徐 珏 碧吾

後貌雄鎮大江東，勝景全收一覽中。
面峙柳峯千秀削，胸羅修水萬緣空。
帆飛古渡寒烟碧，鳥度閒林夕照紅。
山外鐘聲雲外樹，是空是色總難窮。

詩人放眼幾千秋，此地吟哦句共遒。
酒酌危亭佳士座，藤羅怪石古香流。
樹多蒼色偏含潤，籥滿新篁竟寫幽。
探得維摩清淨味，檣聲欵乃月當樓。

西渡觀漲

國學 邱兆綸 樸齋

楚店臨前浦，春濤盪遠空。
岸吞千頃雪，帆送一江風。
綠野閒飛鷺，青天欲界虹。
夕陽山徑晚，添箇賣魚翁。

伊谷與楚南游士夜話

潘日襄 贊思

奇才多不偶，况復此淹留。
日落吳山暮，風生漢水秋。
論文窺秘籍，把酒話高樓。
極目衡陽雁，輕烟幾點浮。

金城山晚眺

國學 王定祥 晚卿

龍王峯下古金城，野色山光暮氣清。
繞寺樓臺銜夕照，出林鐘磬報新晴。
丹籀跡杳僊何在，白石雲歸鳥不驚。
勝地百年增感慨，漫從幻際覓長生。

長墅源竹枝詞

邑優 余紹曾 香泉

千家星散住山鄉，板屋清陰竹樹涼。
一幅桃源圖畫裏，避秦人自道羲皇。

年年春酒好盤桓
炊黍蒸豚治比歡
野服不隨時樣改
客來都是古衣冠

老儒課讀坐深山
也有誅茆屋幾間
古道夕陽人影散
兒童三兩抱書還

黃梅時節雨初過
四面陰穠碧樹多
谷裡人家忙種豆
山農齊唱楚聲歌

破落山門暮靄平
忽聞戶外雨風聲
蒔苗好趁來朝插
一夜并刀剪到明

大湖堰上月昏黃
賣酒人家傍綠楊
一縷炊烟茅舍起
晚風吹送玉蘆香

山亭團坐好風清
父老傳聞試品評
一綫靖公崖下路
當年曾殺白頭兵

一道寒流雪浪衝
雨三間碓帶雲春空
山夜靜無人籟響
答迴龍寺裏鐘

黃葉飛時天氣清
家家采蕨趁黎明
鴉鋤掘盡厓根土
絕壑時聞墜石聲

鋤犁蓑笠舊山家
不學耕田學種瓜
白髮老翁年八十一
生未到縣官衙

迴龍寺夜坐有感

蕭齋兀坐思縱橫
銅鉢敲殘韻偶成
月靜禪關僧有夢
風寒雲表鶴無聲
詞壇舊業文章在
樽酒餘酣感慨生
惟有床頭三尺劍
夜深常作不平鳴

看鶴橋懷古

國學翁承烈陶爐

跨鶴歸何處斯橋
萬古留懷人空渺
渺流水自悠悠
路繞虹

雙落亭餘月半周仙踪隨處是天地付浮漚

飲馬岡

國學翁承勳

金人纔捲甲楊虜又興戎馬飲溪前碧刀磨石上紅灘曾過
鹿角道不畏蠶叢迹邁投錢者荒祠落照中

獅崖觀音閣

邑庠翁宗樾 蔭儂

仙梵花宮據上頭懸崖百尺俯江流風迴埕湧寒相逼浪拍
亭空爽欲浮淳洗客留青雀舫篝燈人倚白雲樓夜深正好
安吟榻數點山鐘月一鉤

四望亭懷古

四面溪嵐勝危亭一望中紀遊傳李帥索句仿韓公雉堞依
山近虹橋隔岸通更名珍勿剪雲樹護青葱

仙人潭

潘際風 愛舟

潭上仙人何處尋潭邊石老古苔侵仙人煮石飛昇去碧水
寒流十丈深

馬崗標登軒

方迪倩 美莊

茅廬斗大怯風威儘日貪眠晝掩扉簷雨滴餘雙屐響洞雲
破處一僧歸偶成好句聲生吻閒引新醅醉拂衣精舍終朝
無箇事趺然空谷獨忘機

獅崖萬福寺春望

喻仁濠 奧如

如此春光在眼前人臨高處倍悠然幾村濃淡雲烟樹一段
青黃菜麥田天地文章真錦繡山川面目總新鮮諸君聽取
嚶嚶意喬木千章喚侶遷

永興寺題壁

俗傳孝女盧仙姑駐此

潘元漣 浣石

到寺香風起蓮華燦滿龕成仙皆孝女作佛必奇男磬韻千

峯寂禪心萬木參願修清淨業頂禮白雲堪

宿五鳳寺晤脫塵上人

國學明哲雲峯

寺破詩僧苦衢通俗客多上方剛說偈林鳥正還窠月色寒
齋鉢松聲冷女蘿拈花同一笑真諦妙如何

柳山讀書臺懷古

李翰春 墨莊

秀壓西南第一峯參天筆勢擬書空名山自古歸名士唐代
高風頌柳公

入林何密入山深誰識先生避世心一卷南華長在抱嬾從
人海問升沈

記得廬山面目真詩吟李杜倍傳神柳山當與匡山並五老
遙呼作比隣

讀書樂處本忘憂雨雨風風苦不休更有仙翁遺跡在殘棋

一局子仍留

三賢道中

國學王觀煜 虛堂

蘇黃自昔肯來遊更得金僊遞唱酬地亦有緣名不朽白雲
千載尙悠悠

雲峯寺初夏卽景

楊碧峯 海三

麥秋天氣最清和晴日風光野寺多數點殘紅霞欲落一灣
濃綠雨初過石泉水暖遊蝦蟇山徑烟深長薜蘿更喜擔秧
楊柳陌聲聲人唱太平歌

遊法雲寺感賦

劉才能 西流

三寺遙連此正中翠雲岑下綠溪東人家都在平林外似隔
烟蘿無路通

兩柴徜徉溯昔賢篠源沿泝愛參禪 篠源柯氏世居其先人
上爲鶴柴下爲秋芳柴

後他人誤遊人縱惜高風杳此處依然別有天

書柴為寨遊人縱惜高風杳此處依然別有天

邑廩生 章文暄 慶生

佛天隨喜罷聯袂出禪扉鳥宿寒林鳩漁歸舊釣磯波光含暮靄山色射餘暉相顧皆相識何當賦採薇

秋日偕友登獅崖晚眺

冷向離 垂業

發視迴踞錦江頭拾級山亭豁遠眸小艇晚牽洲外樹殘陽斜爛熳中樓西風滿地聲搖籟北雁橫天陣帶秋自是名山多勝境年來攜手賦同遊

遊九宮山

八首錄四

邑議敘 張同仁 友山 同知

人間咫尺即天門稽首天門第一尊上界清涼剛向曉巖扉閃閃射朝暉一天門

倉黃騎火謁仙師寒夜鐘殘客到時祇為乞憐重下拜真人那度世人癡祖師殿

承露宮前古木高秋風徹夜響洪濤林陰徧訪仙人跡破霧全憑酒力豪承露宮

千尋飛瀑挂層巒獨倚危欄着意看玉雪霏霏巖際落夕陽橫界水晶寒噴雪崖

書臺山懷古

邑國學生 張三傑 卓庵

名山景仰重徘徊先代遺蹤尚有臺千古琵琶彈白雪一龕巖石長青苔牛眠水繞漁燈聚鹿去塲荒鳥跡回學士風流餘手澤琴書半榻後誰來

澣溪晚眺

陳惠元 子阿

尋芳緩步度前川一帶垂楊繞暮烟迎我春風花欲笑照人溪水月初妍樵擔濕葦連香草牧送長歌和杜鵑最愛蜜峯

溪近蜜峯

濃晚翠蒼茫山色接遙天

九日登金華山絕頂

曾貫瑚 湛如

經年風雨寄山陬九日才登最上頭
疊嶂雲開千里雁層空
晴放一天秋幾人落帽能追孟
七字題餽頗勝劉祗此登臨
須着意莫從高險說優游

仙源寺夜坐有感

鄧成策 瓊采

亦知興廢本循環如此招提拄錫閒
赤眼幾年辭梵地蒼松
一片老金山 仙源一名金山
蒲團地潤苔敷
罽蘭若烟銷佛瘦顏
爲想坡翁留帶重他時應不負禪關

栗榔義渡

職員 翁成暄 煦臯

奔流橫要路剗木選良材客正登涯便
人隨喚渡來三篙波
浪激一棹水雲開
應有蘇黃侶叢陰歇馬纔

豫寧竹枝詞

余森玉 性文

巖疆蕞爾俗偏淳本籍他鄉互接隣
水火叩門無爾我年年
忻度太平春

如雷竹爆響聲轟雙滾紅龍上下騰
此夜城鄉同樂事大家
都戲太平燈

當空月朗正中秋餅餌團圓樂未休
供賞案頭無異品西瓜
燈照綠杯浮

白雲深處路迢迢伐取新枝一擔挑
底事行歌微帶醉山棚
飲我玉蘆燒

遊懸寶寺

張鳴世 時年十歲

隨阿哥入梵王宮開士還迎五尺童
問爾石壇旛影畔如何
彎滿鳳鞋弓

言爲西龕聖姥慈佑人少婦產佳兒不知劉晏任延輩曾否
紅羅繡幾時

石鏡山

邑庠 余琬 藍村

熒然片石幾經時堅不磷兮潔不淄懶向朱門爭照耀卻於
幽谷辨妍媸晨昏保護藏雲匣今古磨礪借雨絲當路莫嫌
巖鑿察光明原是性如斯

登擊賊崖感賦

先高祖文崙公集鄉勇擊賊於此因以得名

太平今已久擊賊尙留臺往事隨流遠閒花依舊開徘徊思
繼述邑侯鮑重高祖功額以才報答愧涓埃看劍嗟頭白撐
持望後來

遊普陀庵

邑州同 余克家 梅村

扶筇來訪梵王宮行近江頭石徑窮只訝竹深無路入誰知

崖斷有橋通到門恍佛聞疏磬肅客殷勤見短童且喜上人
能惠我喚船沽酒月明中

遊二難湖

可惜二難遠荒湖訪舊名弟兄成小隱水月比雙清詩酒前
朝夢滄桑此日情寒流鳴斷磬嗚咽作愁聲

新峯寺春日閒步

邑庠 葉顯翰 蔚林

勝日尋芳緩步遊綠楊溪畔石橋頭不知何處春風到吹落
桃花逐水流

重尋舊壘燕兒歸帶得香泥傍水飛絮語呼人人不解送將
春意入簾幃

樹影沉沉翠欲連洞門一徑鎖新烟清風起處和如許閒看
兒童放紙鳶

石崖陡險路橫斜，小屋編茅三兩家。山密誰傳春色到，野園
閒遍白梨花。

莫春陪余燕菴師遊叢雲洞

邑人 盧一岑 敏齋

登臨底事惜芳菲，緩步相從入翠微。自愧遊無遲善問，却憐
詠有點忘機。和風被草朝迎爽，暖日啣山晚弄暉。對此情懷
偏倦倦，尋春不肯放春歸。

春日赴古艾

與國州 華蔚巖 椒堂 庠生

盃濃春酒餞荆扉，老去猶然野鶴飛。賈暖吳簫迎客到，送人
楚岫擁雲歸。投桃最是新交好，挾瑟何堪始願違。兩鬢原從
孤館白，還鄉應又雪花肥。

豐樂寺卽事

古寺春寒雪霽初，更深咽冷聽啼鳥。他鄉望月高山亂，往事

攢心客夜孤。茶鼎煨殘青楸柑，燈花噴落淡芭蕉。東風寄語
憐予者，罵坐猶然老灌夫。

武安山

王 鈞 願干

峻嶺蕭蕭度遠風，登高懷古意無窮。勤王氣慨當時盛，舉義
旌旗此地雄。潭上夜燐猶照恨，壘間春草尙留蹤。承平別有
山居樂，樵牧歌聲夕照中。

大崙山

王 鈞 鍊余

四面春光分外佳，名山高踞梵王家。叢林翠滴初揮塵，古院
煙縈正煮茶。厯落鐘魚和好鳥，萬千紅紫對時花。重來勝地
翻惆悵，牢絡風塵負物華。

修江晚眺

葛盛達 日高

一棹中流泊蒼茫，夜氣侵淡烟生。水面殘照閃波心，浴鷺閒

機適游魚樂趣尋佇邀明月到清影豁塵襟

遊頭陀寺

郡庠 盧雲驥 湘江

徑踏明嵐裏龕藏卷畫閒疎鐘山應響古砌蘚留斑日度禪
關寂雲歸鶴夢閒此中堪入定滿目俗緣刪

遊大源洞

邑舉人 楊本沃 春江

九十九盤山突兀長途多半水中行山綿似繭將人裹水激
如雷觸馬驚絕壑風來松作勢層空霧散鳥爭鳴征夫健處
憑腰脚從此崎嶇識世情

水月亭

貢生 張四維 鍊人

龍潭石上夜冥冥水月虛明襲一亭詩酒沈酣人倚檻風波
浩渺客揚舫岷間影射江光白浦外煙籠草色青一道清寒
生遠思悠悠塞鴈隔楊汀

靖公菴

邑增 盧 燾 萊甫

路轉如弓曲重巒積翠分林光疑帶雨花氣欲成雲爽巔層
霄度寒流滿壑聞當年誰對奕石几半苔紋

登四方山

貢生 車運亨 奇峯

南北分吳楚登臨入翠微風高當四面山峻出重圍宿草烟
留濕銜花鳥忘機觀空無我相攜得白雲歸

遊金城山道院

邑庠生 王維齡 冠西

萬疊雲山一徑通龍王峯下有仙宮庭前古柏湧天綠壇上
遺杯事見雜記曾伯祖叔怡小傳落照紅白羽翩翩鳴野鶴丹鑪隱約吐
殘虹年來自笑羈名利心目纔清法界中

朱家山懷岳忠武王

邑增生 葛利民 春臺

中原金虜寇氛張此輩乘機草竊忙真見將軍神算畧翻強

小醜枉猖狂千峯壁立排軍陣萬壑雲屯莽戰場八百年來
陳迹杳烟巖殺氣尙飛揚

過天尊山

陳麒仁 歸和

一鎮撐天起羣山讓此尊勢凌黃道日氣接紫微垣吳楚中
峯界煙雲衆壑吞橫空梯棧絕扳葛下前村

附列女詩

絕命詞

戴氏婦

惜多才憐薄命無計可留汝揉碎花牋忍寫斷腸句道傍楊
柳依依千絲萬縷抵不住一分愁緒捉月盟言不是夢中語
後回君若重來不相忘處把杯酒澆奴墳上土

按戴復古號石屏未遇時流寓武寧有富家翁愛其才以
女妻之留三年一日思歸婦問其故告以會娶妻婦白之
父父怒婦宛曲解釋出奩具贈之仍餞以詞云云事見宋
詩鈔但載富翁爲江西人未指爲武寧人有辨詳古蹟

述志詩

盛善才 盛博
次女

哀哉妾薄命未歸夫已殂俊魄竟長逝千載永痛呼五倫始
夫婦節義信難誣固未通箕箒采幣有成謨仰觀天上月清

光映玉壺在山有義雉失類則悲鳴妾雖巾幗質頗明昔人
書歷歷古賢烈名字耀金瑤苟能行其志今昔豈不如此心
常炯炯持以報吾夫

按善才盛文郁孫女許配仁和潘有成未字成天死才奔
喪會水淹舍漂成屍才痛哭欲絕遂自矢貞守晚以姪孫
珏妻李氏新寡召之賦詩李氏有誓章與爲綢繆勉以苦
節詳具列女傳

哭夫

自聞失所天腸中鹿盧旋此生已望絕相見或黃泉泉路皆
難測猶及撫哀筵謂當薦血淚以慰鬱離魂豈意霖雨惡水
勢忽匍奔魚族宿樹末日月遂冥昏魄竟不歸沈怨在千
年河伯何太虐天地亦嗚咽金石雖銷毀此恨終古然悲風
來四野惻惻不忍言

答李氏

人倫久荒沈風雲遞變滅今日城南妻明朝城北妾畧不念
舊恩曲取新人悅及其意思盡回首成秦越賤骨委黃土千
秋莫能雪此理竟誰明與子存其說

哀詩

李

氏

盛珏妻

結髮爲夫婦三載到于茲君既歸重泉豈復有還時空房琴
劍冷廐馬衰哀嘶羅幃春生寒膏沐奚忍施幽明永隔絕千
年無見期在君之精魄當化壁與奎燦爛青天上照耀修水
湄妾抱萬古恨沒命有餘悲願言存大節不受古人非

誓章

清清江中水皎皎天上月水色與天光終古無緇涅唯姑有

素心與之方皎潔厓懸葉婦頭磚漬譚氏血邈矣二賢媛萬
季稱奇節唯姑無岐志與之厲貞烈妾亦未亡人况復承巾
櫛生雖不盡歡死則義同穴守節分所宜立身貴察察亦以
正性命安問茹冰雪

附仙釋詩

華表歌

丁合威

有鳥有鳥丁合威去家千年今始歸城郭如故人民非何不
學仙塚纍纍

按飛天仙人經丁七歲入山求道千年化鶴歸鄉下華表
歌曰我是昔日丁合威學道千年今始歸云云與此開端
稍異因互訂云

和靈源寄瑩中

釋德洪

此來漸覺身無累欲學瀟溪諱名氏鍾山萬頃獨經行山日
松風吹凍耳聞有僧從法窟來當鋒戲作橫機試探懷示我
妙伽陀兩翁回護偏中至乃知道德無貧賤邂逅相求亦相
契妙談何日看揮斤此老鼻端有餘地

式序錄

卷四十三

附仙釋詩

五

八百六

和清上人

駒兒墮地已汗血毛骨蕭森落眼中今見馬羣方弄影會看
雷電疾追風龍媒何止十倍價凡馬終當一洗空我是道林
能賞駿識君語妙到無同

在百丈寄靈源禪師二首

暗中樹影平生意水底魚蹤病後機想見道容無住著倚藤
閒看暮雲歸

平昔追隨骨海心暮年粥飯竝叢林揭來萬事撩人笑此去
青山爲我深

獅嵯晚眺

雲峯青湘子亂仙

修水多奇石惟有獅嵯好閣開千里目登臨羨絕倒

夜靜寒潭碧雲山面面新來遊艾子國却少問津人

清明郊遊

元教李蓮雲

白紙山山在江流有盡哉但聞新鬼哭那見古魂來

柳山

僧雲菴

欲辨真空獨出羣登臨如此勝云云烟光落地連千頃山色
留人到十分藤杖橫挑孤嶺月詩瓢歸貯萬峰雲心腸已放
虛無外剝蘚重看石上文

龍潭寺

僧雨松

咫尺龍潭入景幽桑門真個畫圖收風來石徑塵皆掃月破
疎林翠欲流佛壁重新宏淨土禪心初定泊虛舟閒時說罷
無生理幾杵鐘聲物外秋

春日歸石鏡祖寺讀李白邨先生舊作有感

僧玩嶠 半空

騷人曾此憩禪堂好句留傳古篆蒼一鏡尙窺龐吹影萬花
猶帶馬蹄香路旁有馬蹄石古跡入雲高唱先生調倚樹豪吟我輩狂
世外知音誰是主空山明月水流長

遊廻龍寺

廻龍有寺嵌江流一派清光到眼幽塔影層層雲際湧烟村
落落水中浮波濤不斷古今意菊蕊偏開天地秋任彼霜林
楓葉墜蒼松獨許作同儔

遊九宮山

懶拙和尚

行行行到老山腰暫憇茅庵萬慮消瓦鑊煎茶燒樹葉石泉
流水洗柳瓢重重疊疊雲千片曲曲灣灣路一條此去上方
應不遠擔頭風月自家挑

武寧縣志卷之四十四

武寧縣知縣滇南李珣纂

雜記

山川曠盈今古遼博孰竟其藏孰啓其鑰石室蘭臺紛
焉研索耳治目收鴻緘互託意在勸懲亦莊亦譎夷堅
諾臯徵煩取約是日說家義類炳灼敝帚適用雞肋堪
嚼瓊碎紛龐治而不削廣彼前聞毋傷穿鑿作雜記

伊叟秦時人避地武寧山中嘗於石湫拾一卵大可數升
五色晶瑩異而伏焉歲餘產一龍僅尺許鱗角差具養
之湫中甚馴狎後叟死鄉人瘞之宅左此龍盤旋墓道
狀若悲戚是夕風雨大作湧溪石爲叟成墳而去其石
壘嵌甚固至今馬鬣若新

按袁州府志盧肇記唐時有温媪者經程溪得巨卵藏於家生七龍放之江媪或至江口龍輒獻嘉魚媪死葬程溪水衝擊一夕雷雨遷之高岡鄉人因為立祠額曰孝通廟事與伊叟相類伊叟墓石壘嵌甚固尤為奇特

修水源出寧州西鄉黃龍山東南經州治又東經武寧縣治東北流數百里至海昏又東流百餘里入彭蠡湖郭璞記云有水名修有魚名儵天下有事此地無憂言可避亂也儵魚狀似青魚廣首長脣味極甘雋而脣尤美然至建昌炭婦河則絕無矣

縣東南八十里有山其峰高聳天矯如龍世傳漢末為孫鍾種瓜之所瓜美有三仙造訪輒遺以瓜鍾母死未葬三仙感其惠復來謂曰承公厚意今為公母傳善地惟公採焉再世三世必大貴鍾唯唯回視三仙化為白鶴飛去遂葬母於此後生子堅靈帝時為長沙太守封烏程侯堅生策建安三年為討逆將軍封吳侯策弟權稱吳王尋稱帝位傳六世因號此山曰吳王峰墓曰吳王墓

縣南三十步有腰帶水源出神童山為縣脉西界水從西門入江明宏治間水衝决經臥象橋穿縣治入修江嘉靖間知縣唐牧障復故道尋决崇禎間知縣寇可教仍行障復

國初知縣任天祚改入縣治流至東水關入修江讖云水繞縣前流官清百姓柔

宋時車翁者厚貲產無子以其貲委壻就養久之壻漸厭薄遂還家抵暮至其莊莊人訝之詢其由壻曰翁視聽未衰尚可圖後盍歸而納妾莊人徐姓有女及笄而未字向德翁卽於是夕以女侍焉時翁年七十後單生三胎孿生三胎翁嫗各得年九十餘構樓屋九區分住九子至今稱九樓車氏云

瀧溪荷墩有宦塚相傳徐尚書墓土人發壙得銀簞古鏡其鏡陰有湖州真石家念二叔照子十字字如粟大徑圍可茶盃許古意瑩瑩然不知何代物也簞織以銀絲絲細如髮工緻精密化之得四十八銖

伊山石湫中產龍鱗首有角鬣隆準豐脣悉如龍形每以秋分前後隨水湧出委積無算沿溪居民用簣畚羅取有得數斛者鮮烹乾脯味皆甘美過此數夕卽不可得遂相傳爲龍鱗云

武寧山壑深廣屢有蛟患每春夏蛟發輒冰雹大作溪水溢溢冲决田土甚則漂沒廬舍人畜其害猝至莫可逃避

黃山谷外集崇寧元年書蔡秀才屏風頌四首有曰武寧縣中蔡老子能碁能酒又能詩胸中百萬多羅織不向人間說是非又曰接人高下但唯唯又曰此翁家世印纍纍當時不書秀才名字玩其語意蓋亦遺世棄俗之流且其家多宦籍及稽武寧蔡氏譜宋代人物無一有者卽秀才之名亦不得知古人湮沒無傳何可勝道其頌辭頗屬率意今不備載

龍潭清影四字舊志載黃山谷書鐫於石上今石壁存者
唯曲江謝存理篆有龍潭二字向東相傳山谷所書四
字臨潭向南沉水不可見有捕魚者識其字或水涸甚
時俯窺之隱隱有字跡云

坊市陳以經字元常建書屋於東南城外夏堰寺旁會文
者衆以城門啟閉有時雜遝不一請開東濟門門高八
尺廣三尺今塞遺跡尙存

宋景定時余榮叔家巨富有幹才能辦國事遇寇警朝命
王珏出征軍需不給榮叔傾貲助事聞予以官不受上
益嘉之召見賜宴勞復寵以詩歸老昇仁鄉没年八十
有奇在元至正己丑歲詳見元譜今其後裔吏員一棟
呈先朝舊牒洵堪徵信故錄之以示勸云

三聖廟都司線坦建其初分建於營署之左右祀關聖馬
王火神坦到任謁廟蹙然曰此非所以妥神靈也宜速
更之坦出人過廟欠伸起敬一日自建昌道中挽舟上
忽有聲如雷舵陷不得脫涸者沒者自下曳之則大木
浮出凡十二株堅好如新坦喜曰神賜也再拜稽首遂
運歸以建斯廟楹柱悉給焉廟在署外見祀秩

昇仁鄉冷廷珪十歲遭亂德祐乙亥元平章賽典赤得之
愛甚命次夫人金蓮養以爲子平章被謫籍沒珪力明
其非罪得全乃歸省生母至元壬辰率族黨重創義門
賽典赤爲請諸朝命學士李溥書冷氏義門旌之義門
蓋其先代所有也

元至正上南鄉芭蕉寺貢花木瓜入宮后秘愛枕之傷其

首上震怒詔廢其寺禍及諸宮觀見玉清碑記其地至
今日芭蕉故老猶傳其逸事云

元至正末石市熊姓聚族甚盛其鄰人某兄弟有簪力以
析薪自給一日大雪熊有富人置酒樓上集子弟吟賞
鄰人曳敗絮負薪過樓下熊見之憐其寒命僮召至與
之卮酒且笑曰若兄弟身長七八尺而不免饑寒是泥
牛耳鄰恚甚挾竿往見胡紹遠紹遠壯之署爲首領除
夕率數百人圍熊氏宅夜半舉火焚殺一空獨新婦葉
氏有五月孕時正歸寧產子伯雅遂依母家辟纒養子
後鄰人兄弟死於兵始歸而復其先業石市之熊皆伯
雅後也於戲一言之肆禍及宗親而伯雅母子卒以節
孝大其族天與善人豈不信哉

長墅原虎亂有孫曰棟者曰吾聞人受虎殺則爲佞鬼每
導虎行虎擒人佞剥衣以待虎食遇有機陷引虎避之
佞何愚甚若虎噬我我必爲厲鬼以報越日其人竟爲
虎害妻啼於室曰某地有機子有靈當圖之是夕虎果
斃於機

熊埠灣李氏巖頭楊氏皆善格虎其敵虎之器戈矛外有
鐵涼傘每遇虎張口搏噬則以傘投入虎口反拽之傘
張不得脫挺刃而前若殺羊豕又有李五叔者尤能測
虎進退刃無虛發前後手斃十三虎又獨殺二虎倒曳
而歸其人形體短小又接物甚醇謹不類猛士云

石市民唐姓者抱養一媳年十一生一子十三又生一子
自後絕不復孕又龍石黎氏婦年五十六舉一子皆康

熙初年事

南鄉葉生某赴省試行至靖安遇雨借宿一農家兄弟皆客外娒娒二人守室其娒堅不允留娒重客文士又日暮無投足處強止之令宿於堂且命其子從客授句讀夜半雨益猛葉生臥一長几心煩不得寐起坐几上俯視地忽裂一縫深黝中有光二炬大如盤火燄迸出生大恐急呼其家走避不聽破壁而入挾其子登山母亦隨出轉瞬雷電轟繞室已成澤明日有自下流來者言其娒竟死於水云

邑舊有跳神之俗其爲神所憑依者曰馬脚亦曰降童民家迎神童必從巫誦咒作法童則顛頓騰躍起作神語決人疾病禍福鄉民多聽命焉凡神擇人而降衆召巫作醮事令舊巫傳法於新降者鳴鉦擊鼓一村若狂謂之駕馬脚乾隆丙辰東門外有神降於人巫者侈其事衆益奔走相與設壇演法邑令吳使尉夜往偵之至則燭燎煌煌巫仗劍指揮降童方赤足踏火輒觀者如堵尉卽韃上鎖降童并逮巫就理自是跳神之風息矣

上都余文行幼孤明末賦重力不支將避地以圖存臨行老僕有仁年七十餘匍匐下泣曰幼主有老母在義不可去余曰大尹徵求峻急鞭撲之慘女主人不能受也僕曰吾聞大尹雖峻於刑然立斃一命怒應少弛幼主人能留老僕不敢自愛其死衆皆壯之且疑之後值較期僕竟往尹大怒杖之百僕俯首受不發聲尹曰何物老賊敢強項乃爾僕曰非強也代幼主受杖出於至

誠不敢以呼號之聲上竇大人尹詰之僕且以告尹爲
出涕曰此義僕也命之起厚卹之後尹雖盛怒見老僕
卽霽顏所解救無不獲免文行家竟賴以全

王國珊明末富俠遭鄧雲龍亂夜縋城請大兵誅討卒爲
雲龍所殺比葬家人具十二棺置疑塚於藿溪山相傳
棺內藏金有閩人夜往發塚竟死其處珊碣頭人雲龍
嘗脅以僞劄不受真義士也

明成化間邑人高希仁有贈宛平主簿石鏜詩云舊山松
竹深開逕滿蘘蒲荷暖泛春留得洛中風韻在我來何
日接芳隣時高君亦在京師玩其詩詞襟懷亦自灑落
而平生行實里居皆不可考矣鏜字大宇田坑人

嚴陽山有石筍高十餘丈又有石柱高丈許大徑數尺其
上疊石十三條皆方長丈餘琢磨端好俗稱掇石云是
善信尊者所疊然亦不知其何故也

梅岷夏銘明成化間入宮侍讀日親近上篤愛之銘性忠
鯁不爲阿媚有古巷伯風歷事三朝恩寵備至及沒勅
賜國葬其棺由巾口入小河不克進相傳水驟漲遂達
墓所嘉靖勅文其姪指揮依禮奏疏石刻猶存墓上明
季流賊利墓中所有甫啟石雷電交作乃止

縣署內祠王夫人靈爽甚著萬歷間一商載重貨行至三
碛灘半猝遇暴風帆檣顛覆獨商舟獲濟其夕商夢二
青鬟召至一所庭宇巍峻一冠帔貴人上坐命之曰以
汝有陰德於人故得免此大阨當力爲善毋自暴棄商
拜謝退旣出回視門上署額乃勅建王夫人祠六字

昇仁鄉余登瀛工詩文由萬歷副榜轉天啟間貢自恨未
登賢書賁志以歿歿後數月族人某暴死復甦云到一
處村落人烟身所未歷中途遇登瀛握手慰勞如平生
有頃鬻蹙曰此間非汝所宜至可速歸取旁徑送之且
貽其姪庠生復亨訛云一榻松風下茫茫萬里山秋雲
看世事榮落不相關族人業農不通韻語非能造作此
訛者語畢復沒

安樂鄉松墅李元德生平不治產年五十操器出門開治
要路境中紫鹿青牛兩處最險隘元德獨力平之三十
年未嘗輟每攜寒具止宿巖中有虎當巖坐相忘也又
嘗於峽要上開鑿峭石石發傷其足創甚風雨尤楚然
治路不少休七十九時遇葛巾褐衣者於道曰明年元
旦來已若創至期道人先在出葫蘆中一杯飲之創良
已或以爲神賜云元德死其子愛青踵之有父風

坊市盛瀾澹爲人豪俠不治產揮灑如意善岐黃得針灸
秘傳手至立效每出金製藥餌不計值人爭重之一時
自丞尉以上皆與澹作布衣交獨於邑令王掄士厚且
久未嘗干以私令益敬澹澹如故後令以帑虧被議卒
於寧旅櫬寄蕭寺窘甚家屬累焉澹力爲經畫彌補如
令在官日及歸復贈百金邑人咸高其義云

武寧向屬巨邑編鄉二十唐李巽奏分武寧西八鄉爲分
寧南唐時復割縣南地以益靖安後併昇義入昇仁鄉
此九鄉所由昉也分寧爲縣爲州沿革不一與武寧均
隸南昌修水發源寧州沿流至武寧及建昌一水襟帶

夾兩郡而滙左蠡雍正年間有以寧州轄武寧書上各
憲邑廩生盛世麟監生張邈夫等力爭之懇吳令申詳
事遂寢

柴姑仙乩仙也降筆言休咎至後始驗所爲詩詞皆奇雋
可喜每盛宜仙禱之輒應宜仙死仙遂去乾隆壬午復
降屏山盛氏有仙曰青湘子松風子及鶴亭閔道與學
士談詩文酬唱甚盛後名仙頗多或懸筆作大字蒼古
勁逸迥出塵表求者隨時直書多名言格句足備箴銘
又教人行善事及修煉養靈之法然必得庠生黃雲嶠
至始降亦大異也

長樂鄉余汝錢字定谷性淳篤有孝行童時失怙痛哭不
食者數日母患頭疾三年醫藥罔效錢至誠愷惻奔走
數百里禱靈神獲愈後病復作垂危舉家惶惶失措錢
焚香禱哭剗股肉和藥糜進母遂霍然而起曰方夢見
閻君謂我數盡念汝子苦孝當延一紀逾年果如所夢
亦足以見匹夫愚誠感應不爽云

西關有四望龍潭諸勝蹟登臨者徃徃流連不舍乾隆癸
未後自大小西門至南門平砂細石隱隱一線越數年
如練又數年大石小石磊砢沙際遂成新洲縱橫約千
畝環抱縣治河水繞南岍如帶人以爲地脉之靈云

按盛孝廉牧南渡新洲原唱地勢滄桑變天然一小
洲沙痕纔映雪水氣尙涵秋賈客喧中渡河源繞外
流垂綸思徃事閒坐待漁舟此一徵也因附錄之

八都石言出身行伍白頭兵寇武寧城言奮力當先斬獲

甚眾都統朱奇其勇委令開路所至有功嗣撫軍董克復銅鼓言隨營錄力報功授本營把總見秩官志

鐘鼎山有丹曰在黃婆洞最深僻處長二尺許廣尺可搗藥又玉清宮旁有丹井圈跡世傳玉清丹畦卽此舊志偽撰呂巖詩問我身從何處去蓬萊頂上會神仙大可噴飯宮中道士鑄之石壁盛于埜戲題石壁云我來汲取仙泉水濺盡千年石上羞

舊志豫寧八景最無稽曰甘羅故居新志作唐宋時甘羅二姓者近是次之三砮怪石事涉荒唐抑有何佳致而列於八景耶且諸詩皆鄙俚識者嗤之新志概芟易以山水雜詠較爲大方然八景之說自京師至府州縣往往見諸吟咏何也若以鄭郊草堂配柳渾精舍風流宛在他如玉枕清風鶴橋明月鍾陵瓜圃伊洞龍鱗至

今相沿不替而意與所之尋芳步勝則又有南浦漁歌東林牧笛足爲風雩浴沂者助也復軒盛學邕云

太平山嘗宿重雲好事者于雲深處置缶貯盈以帟封固挈之下山出酒席間刺其孔雲裊窈而上縈蕩竟日不散又山高寒積雪至五六尺彌月不能行康熙間有道人至宮中赤足趺坐閉目不食數日忽失所在蓋遊仙也

破石日休堂不知建自何人何代鄉里醜金構義塾卜地於石湖之南得古碑橫額有日休堂三大字其下小字多漫滅可識惟詩書種子才之難若此八年長至樸村十五字而已舉義者同村盧全萬王孔煒孟權孟元文

乾梅良珙六人云

盛西園名林讀書能文屢應童子試不售以過勞得痰疾嘗於舟中作詩云同人鼾睡一燈孤月上篷牕獨照吾灘水秋來知己淺病愁深結繫蓬蘆竟以痰疾卒示昆云當年遺恨一杯孤雲水蒼茫孰故吾秋柳春花常過眼祇愁依樣畫葫蘆後其孫時珍質敏異早年入學亦不承其年邑人惜焉

南鄉石門山石罅中有桃樹一株僅數尺枝條蟠結如蓋花實甚繁相傳自然真人章權孫手植土人取實種蒔百顆不得一苗亦異事也

樹德堂坊市張機宅明蓋王筆跡書法古勁至今巋然宗裔庠生廷懋及弟廷楷居焉懋伯仲友愛怡怡一堂擁書自娛塵囂不染嘗顧謂諸子曰吾家典型尙在也爾曹勉旃又嘗構異方治人痰核多奇驗製藥施濟一無所取遠近德之楷子鳳英曾勲俱弱冠補弟子員

昇仁鄉聶公旭女幼許字同鄉葉宴林有某與其父有隙以不自事污其女致葉人棄婚女含屈不能自明幾死泣告其父曰事旣如此若適他人是受污無已時也誓當終身侍膝下旭故遺產給之有餘輒分與兄弟及修橋路茶亭不使有餘年八十無遺議鄉人知其冤咸嘆服焉其後誣者乏嗣

香雪亭在縣尉署西董永錫建邑令鄒應元題舊有古梅一株大可數尺圍亭亭如蓋冬春間梅花盛放飲酒賦詩其下雅韻幽香徐徐入座間尉族董作棟少負才名

自浙來署與邑中知名士吟哦亭上流連不去作棟號
幹夫戊戌成進士

柳山陰有月嶺修衍而平明末張秀才穀嘗於此疊石成
陣以禦寇穀遇異人授陰符秘書考象驗事洞鑒不爽
徃徃假黃冠出遊方外後人因名嶺曰疊陣嶺

新豐寺有銅佛高丈餘廣六尺佛陰字刻載一萬八千斤
明成化六年萬宗澹熊伏瓚諸人助鑄

南鄉羅穆美鬚髯工詩授徒夏庄作九子吟愷切悲惋鳴
咽欲絕遂得病翌日筭輿昇歸病月餘復起乘輿徃夏
庄與九子暢談古學大白三浮曰吾不復來矣遂歸是
夕竟卒卒時口占新句云學不到神仙何處容吾武

甲申流寇充斥大隊屯魯溪舉村逃匿穴洞其資橐薄者
散伏林莽間游騎四掠殘暴不堪路經拖兜洞劉姓丁
壯悉力攻之發檀砲殲十餘騎寇奔駭哨聚一時蜂起
雲集凡穴處者莫不避鋒深入賊愈忿折屋材縛衣絮
聚糠粟穴口委積如邱環以風車鼓烟焰以薰灼之凡
山有十餘穴穴所容多者二三百人少亦百十餘人莫
有生者時劉氏八十人潛瑤門洞洞門窄徑二三尺許
計以水綿塞之可禦而賊攻之且速劉璇甫及門輒冒
烟而死延兩日夜火燼賊解劉璣以外絕得免尋至洞
門得其兄璇尸復入越大石門丈許燭之惟大士座燈
殘若螢欲滅不滅急張以火見祖母在大士座前父抱
其左母抱其右環膝壯幼十餘輩昏迷如睡莫能語急
予以湯方甦遍閱其餘爪秃髮結額破血流者得湯亦

生徐問以故云穴烟大入氣鬱逆觸土著崖彼此衝擊不能已唯大士座前勢小殺不覺其慘云

流寇之亂有渠魁者以殺人爲戲日驅童子分跪道左每殺一童取刀插其前渠躍舞良久拔刀取首首落大笑以次相及無有生者最後一童度必死不如轉弒伺渠舞時急拔所插刀砍渠足斷而仆遂疾趨得免諸寇見之皆拍掌聚笑云

巾村李氏枕碧山上有七人墓相傳順治元年同鄉人擊自成餘黨不克死之因纍瘞於此山三面枕池松櫟陰森至今猶英風凜凜云

江陰鄉鳳口鹿頂廟側有古樟二株高十餘丈圍廣丈餘枝柯俯仰交映有雌雄狀客有將二百金圖此樹者夜夢神人謂曰予安此地久矣汝何故見害明晨客攜匠往忽雷雨交作鋸斧不能施及霽得殘石鏤有公母樹三字遂止至今爲潘氏公蓄

登高山李斐字浴弦後街張達源字放泉均邑諸生年相若少同師事學博盛鍾靈爲文清新奇特一洗卑靡習氣邑前輩余比部盛明經咸許可之斐性耿介不喜豪華鄉里子弟有拂意者面叱不忌源稍純和而賦性冷落曼曼獨造然皆困於場屋抑鬱數十年喜酒相遇輒飲飲輒醉稱莫逆交杜工部所謂酒中仙殆其人也

王夫人祠在縣署內東偏正德間奉勅建者時華林賊猖獗官軍莫能制知縣毛丕功夢夫人授以方略明日臨陣又見夫人冠帔行空中羽扇指揮賊遂大敗旣奏凱

以其事聞遂予廟祀數百年來屢徵靈異順治甲午春
祠下產芝三本秋闈中式者三人

邑人姓婁者康熙初年賈廣西欲至舖家索負五更起出
門天尚黑忽見前路白光如日謂天已曙矣前行見一
亭過亭復有一橋度橋入黑洞中不復辨去向但覺腥
穢特甚水如潮湧將身滾出於外昏迷不省俄而天曉
漸甦見大蛇尾如山迴旋而去身尚偃臥不能動行人
見之詢知其故舁歸主家身已腐爛歲餘方平復滿身
蛻殼膚如蛇皮矣錢塘徐子靜爲奉新羅坊巡檢在南
昌見其人自言如此

江陰鄉父子操舟者泊舟河灣天雨雪將暮有麗人倚舟
泣曰妾爲姑逐無所歸對舫有母家幸假舟渡以全妾
命操舟者憐而渡之泊岍雪益盛促之去麗人又泣曰
母家山下距此三四里寒夜一婦人難行乞舟頭坐一
夕舟父不可麗人哀惋嫵媚有餘妍其子心動姑止之
夜與其子歡狎黎明竟踏雪去已而見雪上有女跡微
露蹄影其子循迹逶迤行數里至山上遇竇跡滅審視
則一狐熟斲竇中遂擊斃之

七峰張秀才居山性鬪佛老遇土木像輒毀之西北鄉喜
淫祀聞張秀才至則匿像於室往往搜而毀之又性迂
嚴每妻子有過則臥床不食數日必待妻子跪床前悔
罪乃食嘗曰刑于寡妻大難也然好遊山制小車可陟
降不顛仆遇好風日則乘之遊至暮不倦云

瞿梁石路陡峻下臨仙人潭有岨高數丈橫亘畝許向鑿

小磴通往來每遇陰雨積雪行者自岷返邑人李啟喬
費數百緡修治凡八閱月剗削未及三之一忽晝晦諸
工登高鑿險聞空中人語曰走走俄而雷雨交作潭水
沸騰工倉忙趨避而懸岷崩裂遂成坦道人以爲有神
助云

下南鄉萬孝廉廷彩以湖廣布政司副使致仕既歸召故
人子弟終日會飲嘗以二疏自况著呆齋詩文皆散亡
不可得及年九十賓客盈庭洗爵以獻願先生賦詩自
壽彩口占六言曰官至參政非小年登九十非天田園
我買我賣世事勿曉勿曉其精神強健胸懷開拓類如
此

花棚柯性剛少孤以采苓爲生供母後遇異人傳得外科
秘方所用刀藥皆奇驗性至孝爲母祈年食長齋人號
曰柯齋公及母患癱症剛親侍膝下任求醫者皆不出
度其可返而後去有富人以重金要致百里外剛辭親
友勸之行剛曰吾舍母吾早以技致富矣卒不往

汪指揮不知何許人其年代亦不可考康熙間順義鄉人
附葬穿穴得竇視之則見土室高廣方丈磚石四周中
有石几列盤盞作供狀其盤盞皆古瓷器也

康熙戊辰南鄉陽坊田中崩出元至元間墓碑額篆陳孺
人王氏壙銘七字其文有慮夫滄桑遷變仁人君子見
而掩之所深望焉謹爲之銘志諸幽之語里人遂爲封
識

康熙戊辰四月十七日烈風大作山口張氏受禍最慘宮

室悉飄舉空中四圍牆垣飛擲如亂蓬參天大樹掣向
大江去一村死者凡三十人壯者膚剝骨脫或兩臂抱
頭而死幼者吹入雲間墜若瓦解其殘息尚存者十一
人皆脫落附折昏迷不省真山鄉亘古未有之奇變也
邑秀才蕭露瀼有烈風吟以紀其事

上都余宙明性至孝力農灌園以備色養其父老病閉結
不能如園明手爲疏導燥糞者十餘年

昇仁鄉汪惟玉時年踰五十無子然好善益篤里有石橋
自鳴三日而傾汪欲重修囊中又無多金因求助於人
以襄不逮時某某許之汪喜曰橋可成矣後碑紀名爭
主修某竟分文不出汪售物產給工去越歲汪竟舉二
子蓋亦爲善之報云

宋進士楊友龍有手卷畫三百餘人皆同榜進士每人胸
間註其地里姓名冠服井然康熙中嫡裔持以質穀有
覽其圖者云楊進士貌豐潤微鬚年可三十餘以見宋
時士氣之盛留傳數百年其意象尙可憶念也

鄭山人蓮池或曰西郊四望山下或曰縣東看鶴橋側今
呼荷花塘是也黃魯直過草堂詩曰開徑老禪來煮茗
老禪謂延恩師法安又曰還尋密竹逕中歸則知草堂
於寺不甚遠也延恩寺舊志載在尊賢坊蓮池似應屬
縣西古人遺跡難考如此

武安山多勇健最著者曰彭鷓能腋兩笠飛離縣十五里
頃刻往返山上皆稱爲鷓曰劉野猪黑面長牙首可觸
千斤曰李拗驪力雄嘗乘驪策之不捷遂以杖荷驪而

行若舉羽然曰盧虎咤叱如虎聲震山谷聞者股栗皆一時之豪盡殲於麻潭陣唯聶潮玉得免焉

康熙庚寅邑多虎患城東有貧家子兄弟二人往樵甫入山兄爲虎所得坐之臀下其弟年僅十二見兄呼號且哭且詈追至虎側奮力一砍正中其鼻虎斃而兄竟獲全咸以爲精誠所感有神助云

康熙丙申邑大水有徽商者吳姓遺其名載鹽五百餘泊武寧中口繫船大樹下水益漲兩岍居民呼號乞命吳商聞之趨舟子往救舟人以裝重有難色商卽取鹽投水中甫解纜其樹輒仆舟子感動併力度人全活甚衆太學生王崑秀年四十餘無子夢一老人詔之曰馬鞍岡上有三子盍往拾之旣覺卽往其地聞茅舍中哭聲甚哀詢之賣妻以償所負夫婦不忍別且泣且慙生心動亟止之代償宿負且厚卹其家而去明年正月生婦舉一子十二月又舉一子側室亦生一子一歲得三子竟符所夢

潘士學少時讀書別墅與狐仙竹青遇久之益相親暱家人怪其狀詢之學具以實告家人曰妖也當治之明日竹青至謂士學曰家人謀治我耶今當別重會在江城學詢後事曰兩廣仙旣去學怏怏失望計無所之遂遊江城會金聲桓畔大兵圍城食盡主者將害之學心動祝曰竹青救我須臾狂風大作仙攜學往墮軍營主帥見而愛之視學如子攜之北上後以原姓名中順天鄉試仕終湖廣廣濟知縣果如仙言其子姓遂歸旗焉學

爲潘儵後儵以進士官知州祀鄉賢祠

丙申大水寧州一女子坐床上汨楊柳灣手提囊金呼漁舟求救漁人結合擲囊竟推其床泊浪去後得金構屋立焚且顛沛死

雍正己酉七月中吳王峰頭雷電旋繞大雨如注空中見火光激射莫測所以明日山下見一獸巨口方額體被綠毛長丈許火氣氤氳不敢近蓋狻與龍鬪不勝墜死土人坎而瘞之

北山岷僧爾建病洪鶴齋往視之僧曰命盡今日卽治香水澡浴趺坐四圍積薪命舉火合掌誦經而逝遂建塔塔上有光達旦數月人以爲舍利云

雍正庚戌春石口熊氏厄痘疫村內半月殤三十三人競傳痘神爲祟怪異多端舉村驚怖士人熊墨園作討痘神檄其略云正直聰明曰神天地好生而乃戕滅生人是邪昧物也不已吾將沈而於河其無悔時墨園一子方歲餘覽者皆搖首吐舌妻泣涕諫止不聽亟取檄向空中焚之其後疫遂寢同里痘童皆安好而墨園之子竟未傳痘

雙嶠山溪水南流遶縣東門又西折永慶寺前與修水合溪東南曰孟家灣地勢窪下或山水驟漲往往橫流入灣民謠云水走孟家灣黎民逃上山蓋本形家水破巽方之說往者縣尹令鄉民插楊楹以爲捍蔽歲久樹枯其地漸爲民侵墾乾隆三年衆聲其事於邑令吳始清出公地周植楓杞復蔚然成林矣

丞廳內署有香木瓜一株高數丈霜皮斑駁枝幹奇古花似海棠而香甚清越結實雖繁然易飄墜秋颺起則枝頭濯濯矣每遇解試之期邑人以果實去留占入穀多寡亦復奇驗

乾隆戊午大風雨雹大田鄔家有物吹落屋上雨霽取之則牙笏也鄉人駭怖競傳爲龍王笏請巫覡祝投諸修水

乾隆庚寅六月初二大雨平地水深丈餘漂沒昇仁鄉明經周某及門人八鄉人數十委隣縣臨視賑恤有差

昇仁鄉有獵者夜夢一老人曰而能可相我及覺獵者怪之明午天晴耀獵者入山忽大雷雨避古樹下雷環繞其樹雨如注獵者驚怖雷益烈微窺樹中隱隱有物雷自上怒擊其中若有黑氣如霧上騰雷逡巡而退獵者祝曰必欲我相雨微殺乃可展力少頃雨漸細雷方奮擊獵者自樹縫中發藥黑氣不得上雷盡力一擊乃斃天大霽視之則一巨蜈蚣也

明經黃夢鶴之子名某讀書有膂力夜半已睡聞門外有聲啟門則虎已入半某當門力拒之室中妻子悸怖股栗乃疾呼曰起起時某左肩壓門右翼妻子登樓力將乏虎遂入室與虎相搏自室至堂家人益震駭某曰毋出吾可獨當搏之益力虎躍牆頭墮復鬪酣戰一夕虎疲由短牆遁去鄉人稱爲黃食虎云

巖陽山有猴攜子巢大樹上母中獵夫藥垂危顧子下淚抱乳久之又掇樹葉裹餘乳以飲子低徊不忍舍忽墮

地而死獵者心動遂終身不復獵

仙人潭有巨蜈蚣吐涎如長虹掛石壁上是年遂有大水其水之大小視涎之高下如則而止康熙丙申乾隆丙寅涎最高云

藍田朱謙嘗過九宮山遇驟雨臨溪見一僧招之曰急渡謙從之甫登岝水大至及踵疾趨得免其僧不見謙子方七歲是夕夢有僧脫父難覺白於母及謙還詢之果如所夢

坊市汪之東一名乾山長於詩畫歷參南昌南康二郡椽兩太守皆愛其筆墨稱曰今之摩詰流也年四十卒

昇仁鄉聶允元以諸生入大學善琴每於山樓月夜彈之音韻幽絕聞者以爲鶴唳近年屋後掘得一石床古質蒼潤相傳爲允元故物蓋已二百餘年矣今藏太學林材順家

黃茅尖在縣西數里山頂有廟祀盧仙姑廟前有古柏千餘年物也相傳仙姑手植雍正末一夕枯落殆盡至乾隆乙未忽發新葉嫩枝柔條葱蒨如故

周中峯墓碑爲人掘置池口陰覆其字一日婦人坐碑上浣衣歸病且危有神降於庭曰而辱周進士罪不宥家人惶恐稽首請罪不知所爲已而降神者忽奔池上肩碑疾馳插於山上乃見其字中有貢禮部周中峯墓七大字上闕數字旁有少中大夫江南諸道御史臺治書侍御史王家綸題二十字

乾隆丙寅大水寧州漂樓屋過縣南門時方漏初樓上燈

燭煌煌呼號乞救兒女啼泣聲不絕廷濤飛射不知所終

某鄉有婦不順於姑姑白於子子頗護之婦益詬厲子不能禁姑老且瞽婦以殘食餉之既死婦猶讒姑短一日雷電繞室梓夫婦跪堂上良久子甦忽挈婦於姑塚旁擊死

國朝水災莫甚於康熙丙申其次則乾隆丙寅兩水之發皆在五月朔日相距三十年時刻不爽

朝廷軫念民瘼例得報災兩次皆蒙發賑井里安堵不至流亡亦藉賢守令之力爲多云

昇仙觀夜半鐘鼓自鳴聲振林麓睡者驚不敢臥少頃雷電風雨交作屋瓦丁丁然如有物負之以徙者天明雨

止道士啟門則兩旁皆成溪矣時乾隆戊辰七月二十八夜

東鄉黎國寶常過僻谷孤舍見一僧坐堂上酣飲又室中隱隱有婦人泣聲既行且暮黎語同行曰僧必有故盍往視之同行有難色黎乃獨返至則婦人赤縛榻上僧將據腹取孕矣黎叱之僧遁去婦乃得全

塘盤李名某將鬻豕屠者持金佑直約明晨屠豕去李置金枕下以事他出次日屠者至李妻往厨治湯屠者乘間入室攫金屠豕飄然竟去比李歸索金不見以語諷婦婦恚甚遂縊而死李大悔恨入城謀棺衾時日景正中天無纖雲忽霹靂一聲屠者震死跪於街側手持原金衆競取之力奪不解李至探手得金一時稱快

乾隆戊寅五月南鄉山中久雨水漲夜旣半驟入某棚合
室驚潰婦急不得衣走棚後坡上立水衝坡將崩鄰人
有立隔溝上坡者呼之走婦慙不應鄰人曰急難之際
尙何嫌疑亟踰溝走可逃命也引手援之婦堅拒曰吾
不顧命矣言未畢而坡崩遂溺死邑人盧金鏡作夜大
水樂府哀之

瀧溪今桑溪瀧音雙水之源曰瀧桑溪劉氏崩出劉宣義
古碑有其先自德安遷武寧瀧溪本邑黃陂免解進士
女壻余炳龍書訪之余譜竟無其人世之湮沒不傳及
傳而訛者大率類此炳龍字漕元

宋武帝時武寧楊歡妻姪女從股中生至齊猶在見路史以下新增
高坪古樹長約十丈許大四十圍枝幹繁茂無花實歲二

易葉或至於三初葉圓如珪繼而上圓下銳其色碧三
則奇出作鹿角狀其色紅雖博識者不能名爲何物也
宋黃山谷贈邱十四郎墨跡相傳雍正間分寧陳步廬得
自都門後爲鄉人劉墨莊購去旋歸邑程盟山家因
爲刻石粵西石儀亭宰武見搨本索觀手稿愛而欲留
之弗獲旣調任玉山復遣伴賫書以請程氏子式故與
石善舉而畀之惟石刻今尙存

嘉慶戊辰九月十三日午雷擊太平宮前銀杏遂焚越三
晝夜而熄灰燼中有骨約數石觀者麋至舐之粘舌乃
羣拾去

鳳溪由公母樟樹二株循溪而上二里許曰港下有連理
樟樹二株樹隔深澗澗東者大二十餘圍一根自上橫

巨跨澗石橋倚焉一根自水底斜度與澗西連高大相埒叢柯交互如翠蓋數百年物也

張鈺貴溪人道陵五十九世孫嘉慶丙子冬奉檄抵武寧過箬溪俯江樓道經曲池七姑橋橋下水深丈餘初有魚長數尺圍圍然泊岸見者捕之魚或遠或近誘至深處捕者幾瀕於危遇行人救之半晌方獲鈺書符投之魚怪遂絕

鳳溪石陂堰灌田三千餘畝其堰湍廣可數畝每遇旱涸照下蔭上法輪流車堰日間車淺夜半輒漲每車至四五日有六大魚出游必滂沱大沛屢驗

吳祐字漢卿號節山坊市人以歲貢任江蘓嘉定縣主簿蒞官三載解組歸琴書之外別無長物士論高之姪吳宗周由選貢任南直應天府教授宗儒爲名下士馮志稱其博通古今士林翹楚宗周與邑孝廉方繼懋友善爲諸生時讀書鹿洞洞田半爲土人占隱相與清出田數十頃見鹿洞志前明隆慶間邑令胡東陽聘祐主修縣志兩公協理悉心蒐羅規模大備而祐伯姪弟兄人品學問一堂濟美時稱爲三吳云

盧琳字天谷號耘吾長樂鄉大田人少負奇氣喜文章幕秘閣諸書旣由武科宦南漕訖遂歸扁戶讀書十餘年所爲詩文益工其於書法乃大得意年雖老猶手此不疲事二親待昆弟皆善遇後輩霽顏相對舉古人成敗得失爲勸戒聞者多所感激著有耘吾詩草一夜軒文集

陳奇文順義鄉地平人生平以濟人爲心康熙丙申歲三月雨彌日水驟漲泊河廬舍飄拆殆盡先是奇文結茅棚數椽於高阜造竹筏治火具人求其故曰爲此以防水之不虞也族里咸笑其迂一夕水暴至奇文以有備而免併得接其未濟者于是活人甚眾

程永川年豐鄉南坪人性孝友兄緣事戍黔永川從之往徒步三千餘里蒙犯霜露足指皆裂至數月歸告兄平安於母以慰其心已復徃省數次有女兒嫁於龔夫死子喪四孫皆幼而厚於貲永川爲之經紀出入絲毫不苟貲遂日拓居十有三年龔孫長告歸龔具二百金爲壽永川曰吾爲爾祖孫寡弱而來豈圖厚報耶麾之不

受
盛兆基坊市人博覽羣書通曉大義父病痺數載服侍不離左右父歿奉母尤篤無何疾作自知不起命妻子曰吾不能侍老母餘年罪莫大焉死必以斬衰加我身否則目不瞑矣妻子如其言於同懷兄弟八人皆怡怡然有無相濟胞姪翹自諸生選拔貢入成均每試必優與資斧族隣貧乏者亦周卹不吝年未及中壽而歿人咸惜之

呂字號適菴臨江清江人幼隨人張藥肆於武寧遇張閏榻指授書義篝燈夜讀遂能詩古文詞著賈餘集若干卷付梓邑令潮州許勉齋羅田陳韻石得其文皆擊節歎賞湘潭尹吉生來令耳其名夜巡過肆聞琴聲歎關而人相得甚歡久之以祖母某太夫人節孝傳見屬呂

均無所干謁念少長於武學成於武徵集前輩詩歌閉
戶評選數月成帙將付剞劂以有窒礙不果年六十七
歿於肆

盛遇楨字樹芳江陰鄉人生性樸訥足跡不履城市躬耕
養親能盡子職母歿繼母氏石後其父數十年卒楨侍
奉不懈弟遇楠早喪子女皆幼教育嫁娶如已出家無
厚產每歲施穀若干石於養濟院命後裔垂爲定額

柳山寺本悅仙院向棲羽流今爲釋子所居前有石門鐫
七絕四章不書作者姓字詩云初日暉暉照翠苔庭前
昨夜碧桃開一簾香霧微風動知是仙人跨鶴來深院
棋聲日正長博山添火燕沉香道人鞭起童行雨帶得
東潭水氣涼天院涼風似水流山中瑤草不知秋黃庭

讀罷無餘事鈇笛一聲閒倚樓養就還丹不怕寒獨騎
黃鶴上雲端笑談若得天家雪散作琪花滿石欄世傳
爲山谷詩按宋嘉定時紫清真人葛長庚嘗登是山爲
李太亞作湧翠亭記今玩是詩筆意似與記相類殆爲
長庚所作歟惜無紫清詩文全集可証也

田李氏字阿芸貢生李蓋孫女幼歸田家貧侍姑病刲臂
以進事聞知縣尹作翰賜紀孝詩一時和響者衆刻有
紀孝詩鈔又余賢靈妻盧氏精蘊女幼歸余道光元年
五月亦有刲臂救姑事與李氏同皆可紀也尹詩見藝
文

桐林汪逢錦妻申氏輝彩女道光十年姑病篤申割股救
之遂痊廩貢王佐偕族隣請 令給誠孝動人額

南皋潘張氏職員躍龍媳姑邢病亟張割股肉和羹進遽愈族隣爲之請 令給孝行真誠額

下南陳延棫妻嚴氏姑病侍湯藥不得効嚴割股進乃効隣族爲之請 令給孝心誠篤額

盛明錫故農家子秉性純篤事父母以孝聞道光元年父喪哀毀廬墓三年比繼母張病危延醫不效錫割股和湯藥進遂愈既越二年張病彌篤錫又割股病尋復愈鄰感其誠孝動天沈疴若失爲鳴諸官咸嘖嘖稱道

石鼓范賦煜少孤家貧傭耕事母能色養道光九年母病數月衣不解帶親侍湯藥病劇煜割左股食母少愈復割其右以進然母病終不起既居喪累日痛哭不食隣扶勸之始獲見創詢知巔末族諸生鳳翔作歌紀其事

邑令給額獎之道光十六年其祖上濱病篤煜割股肉醫之如前

上南鄉坪原周必義之子榮良母張氏於嘉慶二十五年抱病卧床數月醫藥罔效榮良驀藏暗室割股和粥以進張病遂愈張後享年九十一歲榮良亦得年八十餘瓜源燈盞塢有石盃大如盆水清盈四時不涸遇大旱土人禱雨甚驗毋亦有龍則靈之謂歟

王叔怡龍鬚人嘗入深谷遙聞鼓樂之音訇然振林木稍逼見數道士列几具供饌若禮壇者叔怡叱之皆逸去惟餘酒杯三枚後以此杯注酒祀神甫注一杯雲霧頓起堂中數人不辨面目此杯至今存焉叔怡儻有俠氣尤善丹青筆墨所留人皆寶貴

北鄉湖灘湯子洪與太平山章真人友善一日真人訪公散步大壠裏真人曰此地有甘泉掘之可給數百戶之需隨束茅爲記後子洪於茅下掘丈許果得清泉冬溫夏涼味極甘美天將雨嘗有五色雙尾小魚浮遊水面後裔輝南奇之甃石修理至今利賴焉

李美斯年豐二十八都上墩人資稟穎異樂就文士相講習敦手足誼弟煥佩罹重疾焚香靜夜割左股肉以進事屬創聞而友于之愛可謂篤矣

胡廷厚江陰鄉長沙人家故貧以耕養親平生絕葷酒人問之曰願二老長壽耳每冬夜先以身煖父被父寢於母亦如之歷十餘年無或間娶室黃亦能曲體夫意親歿夫婦哀號失聲既葬廷厚攜草蓆宿墓旁者各數月草野愚氓至性如此其殆得天獨厚者後數年無子廷厚歿人爲之嗚悵

盧元璧坊市人家赤貧貨履爲生身雖未學而天性極厚母氏甘老病拘攣起居飲食皆需人元璧竭力孝養每曉起煮茗扶母坐飲既衣櫛侍溲穢及盥沃躬炊爨手箸進餐畢乃自食然有酒肉必奉母而躬茹藜藿晏如也飯已告出負草履粥於市及日中歸午飯如晨飯已復出泊暮必歸篝燈織履周旋牀第溫清事先意承志服勞弗衰自是無冬無夏靡夕靡朝者歷十有八年如一日當時賢貴咸敬禮之間巷月旦津津曰今必於市井中求孝子若貨履之盧元璧其庶乎逮母氏歿終喪元璧始獲娶妻生子無何子天身故其家爲立祧嗣又

天天之所以報施善人何如也噫

初瓜源洞口巉巖萃嶽下臨深溪以纜引橋相續度之曰
弔橋至今遺跡尚在乾隆五十八年龍溪寺僧雲濤募
化得金開鑿層崖沿溪修磴盤紆里許卒售已產益之
工始告竣善信樂捐姓名鐫碑四座標西域佛國篆文
於碑首邑廩生舒以長有記見藝文

碧田河橋高二丈有奇行人失足落水無或傷者聞生員
王翰余凌霄監生余廷瑞等議修之日適有老翁科頭
垢面向索筆硯書良辰黏壁上衆姑允之尋質之諸形
家莫敢異議累石爲基水涸兩月咸擬之洛陽神課云
道光十四年夏旱相傳觀風山最高峯有大白蛇每遇雲
起出而吸去匝月後大雷電繞其峯七晝夜草木俱燼

尋其骨與穴不見蛇亦至今不出

道光己亥庚子間邑多虎患下南冲有柯際智者夜持木
梃引數猛犬逐獸至馬脊坂見一大獸在田犬直前爭
噬際智奮梃連擊而斃負之歸去毛煮食舉家數十人
皆飽越三日藥商至其家見餘爪曰何時獲虎骨何在
曰吾以爲田豕嗜肉無餘骨盡在犬腹矣此較誤食虻
蟻者尤可笑

嘉慶中馬脊山居民柯勝儀於雨後出獵山半遇大雉立
石上屏息窺其後每一鳴則一聲雷動一朶雲起頗以
爲異遂發火鎗殺之烹一晝夜肉硬不可食

十二都甘泉觀門外有晉朝柏樹兩株相傳明時邑令某
命伐爲竅木道人泣訴於神忽疾雷一聲皆自末至本

中分爲二令駭而止至今慈翠鬱然

十三都北山下柯際志妻劉氏家世貧乏志傭於族人而多病氏屢求日者推命皆云夫婦命不俱存氏隱憂于中日承歡姑氏不改其常道光乙巳正月廿日姑卒志病如故氏待至三月廿日登樓自縊志果病愈事與府志甘大憲妻龔氏相類紀之皆賢其愚也

昇仁鄉柯繼劉才招少孤貧體羸不能力作母余氏老而痿足招襁負於背至人村前位母籬落間叩門乞食有所得必先以進母而後自食其餘二十年無倦容迨母益憊乃寢之於牀乞米數合卽歸具盤殮獻上日數往返已不療饑如是又四年母九十有二歲卒典居室營墓營齋哀毀骨立未幾亦卒

長墅源里民余興昭嘗與星子縣某同行某病革告以所往并屬銀千餘兩尋歿昭請地方守其屍而自攜銀代交不獲所受還枕某屍裹銀于身守數晝夜地方鳴於官昭以銀獻久之某家人至歸銀毫無苟且乃白其事得脫而未嘗以語人也前正誼山長查振旗爲星子人具狀以聞知縣陳雲章遍訪得之獎勵再三贈匹夫慕義額

葉萬軒號情田廉村人性慈厚其族戚某無以爲昏代變所有以權子母至昏日盡出畀之丐民有病者市藥以療其妻盧氏親爲之煎年五十病革語盧曰我死券中錢數若干其貧難償者焚之盧從其言今其孫飛鵬庠生立生監生人以爲積善之報云

魏子元字汗崖南鄉磊石人父早世事母氏張色養無違
母沒廬墓三年兄弟孤貧撫養成立且修理敗塚倡建
橋路甚夥夫婦皆上壽而卒次子兆芬監生

錦雞石在四十都相傳有錦雞時見道光二十八年夏四
月某日晨雷雨交作有一聲唱曉之勢雨後視之石上
留指爪痕深寸許

葛挹風字晞明羅溪人性平易無疾言倨色胸中涇渭炯
然讀書淡於科名舉鄉賓不就蒔花養魚翛然意遠善
書求者輒錄先賢格言以應課讀之餘與耕夫言孝弟
親切有味父老皆尊之爲師云

葉穎函號夔齋廉村人幼穎異初授學頗通經義八歲祖
母喪哀慟動人事親奉養無少怠讀書不求聞達嘗肆
力於諸子百家下筆爲文輒汪洋浩瀚尤深於易河洛
理數之說多所發明著有文集詩鈔待梓季子先鼎庠
生

三港口滙諸溪水遇有雨則澎湃奔騰逾時始退霞港葉
美文弱冠時甫半濟被漂去里許恍惚有神擁之登岸
人以爲先世有隱德也

切下職員葉啟字懿谷號錦峯積學未售性樸傲喜施與
嘗置棺木百具以恤窮死者又修本境路費二百金里
人以負其貲故欲鬻妻以償啟止之焚其券年八十四
而卒子余芳監生孫顯翰庠生

張亨鍊安樂鄉曲池人幼孤一兄早卒貧不能娶母劉氏
目盲早衰艱於起居每日扶負端坐自出外覓食歸以

進之雖盛暑嚴寒必保不餒夜伴之寢凡溲溺抑搔悉
細心體察老患哮疾力難任勞究於左右無廢事性慤
直不善軟語至母前則下氣柔聲依依孺慕數十年如
一日母年九十二卒擗踊哀號者歲餘葬後遇風雨必
泣護墓所時已六十二歲後六年亦卒過其里者咸爲
惋悼

道光己丑安樂鄉廣福寺僧某嘗於秋夜偕一牧童驅害
苗之獸時雲深月暗忽有一獸抵前舉棒擊之獸大吼
一聲捧折牧童驚仆於地僧進以短棒擊相持半晌獸
竟斃尋欲與牧童負之去重甚始歸邀衆僧至其所天
已明矣有老僧識之曰此豹也於是觀者如堵莫解其
得之由後聞徙建邑桃峯寺亦嘗獨斃一虎云

江豚產彭蠡大江不入修水道光某年月日見於縣東渡
口旬日不去時浮水面城鄉男婦往觀日以百計漁人
聚小艇數十截流圍之不獲次年五月十三日二十五
都某獲於社埠重八十觔以獻縣令給金賞之

癸未年五月分寧發蛟有與年豐鄉界某氏女字下流某
氏子請期備奩資有日矣水漂女宅女抱一箱浮水面
順流見一人持長竿取水物女號救其人取箱棄女女
得不死及于歸之日女入婿房則箱在焉詢諸姑告之
曰而夫上年大水時所獲也女恚甚誓不與爲昏而去
又某年北鄉磧溪山蛟水暴發農人某耕港畔水驟至
登大檀樹避之蛟過樹塌隨蛟順流抵建昌見蛟在柴
薪屑木中蜿蜒作勢時隱時見其人皇慙伏樹不知所

爲尋泊岸得免

南鄉坪原旌陽廟右側地各黃家巷有大石四枚其形象鐘鼓棋牌又三溪石橋下有銅鐘一面鐵劍一枝兩岸古樹數株環抱左右

柯愈達字先柏學者所稱惺廬先生是也居羊腸之巔采葑穫粟皆誦九經文心有所會則輟工微笑年逾三十人無知之者同時劉夢說名噪一郡睥睨士林絕少許可偶於普安精舍見其詩文驚爲奇男子寄書數百言訂交復親至山舍賞其論說浹辰結姻而還由是從學者日集每講經史繪古人立言之神一堂無歧念夢說偕之就試再蹶不出耕如故有族子某招肆一廛竟歲獲二百緡又惡達之分也謀獨有之達遂不取一錢飄

然去人問焉笑而若忘居恒多喜色嘗有楚名士柯勝典汪越疑其所學乃藍縷矚諸室見方食半菽點頷愉愉適瑞昌汪生入問方卯之聞曰誠有之破當無黃二名士不禁粲然達徐檢成丁百鳥志與之閱始慙謝

熊松山名棄夫南鄉凹坵人讀書能文字解八法教人執筆結構井然訓童子口講指畫疏淪性靈無學究迂腐氣年屆七十囑其子曰某月日時吾死及期無疾怡然卧戚友兄弟妻子俱侍乃娓娓道其生平并道其名棄夫之故遽問子日夜如何未應嗒然思瞿然起曰此其時也大笑而終

年豐鄉車隆達柏樹下人女英秀十八歲歸徐正書逮二十四歲父病危急女在側聞割股可救遂入僻室剝左

股肉和湯以進病立起獲痊有問之者女曰身體髮膚豈敢毀傷顧對此一息奄奄計無可出姑盡心力爲之耳其愚孝如此得之女流蓋亦難教諭 范贈有車孝女歌一篇見藝文

生員張必遂字用周坊市人少力學爲邑名諸生性篤孝父喪未葬時康熙丙申邑大水水及厝室猝不及遷隣里邀走避城北高阜處公偕陳孺人守死不去旋謀以二鉅甕束棺夫婦哭伏其上少頃水大至高逾簷室壞棺浮以載鉅甕故雖浮弗覆號救不絕聲望者以筏救得免水罷旣葬廬墓三年繼母王老病目公左右養悉如其父豫寧學租不給公欲捐租以贍未果後人成之猶公意也厥後孫曾元輩成三進士居官清正輝映後

先積善餘慶報施洵不爽云

戴冠元字文冰號帶圃南鄉瓶源人早歲失恃事繼母以孝聞天資遲鈍勵志於學窮年手不釋卷家貧乏處之晏如也某年嘉平之晦有索負者踵門聞冠元披書坐誦聲甚鉅而噤以殺疑以爲哀號也駭而去食餼後及貢期先一月而卒著有帶圃文稿待梓

李承育字浣瀾號宜圃國學生北鄉建富人祖又自由邑廩生舉鄉飲介賓承育復膺舉如其祖爲人質直敦本常改厝先塋見白蟻浸棺泣曰汝食吾先骸骨吾且食汝人慮其毒沮之承育嚼咽數十無恙前令尹公作翰榜邑中有品士方瀚費鍊華潘音呂等十二人爲邑儀望承育次焉蓋嘉其有不由至之風也著左傳淺說待

梓太史李儒郊爲之序孝廉查星渚先生爲正誼書院
山長見而跋之卒時年九十有六

葉達爲字以書號脩圃邑廩生昇仁箬田人性穎異四歲
識字七歲能文事母孝母年逾九十達爲亦七十餘仍
作萊子舞衣之狀以取母歡笑家屢空乏不令母知曰
無使老年人生憂也素行廉介學問淹博學者多稱之
子鴻舉邑庠生

程銓號莖房年豐南程人舉茂才樂善愍愍曾徒步三十
里訪九樓孝子車必秋錄其事爲文郵書雲南巡撫譚
尙忠獎諭風世具見申酉十七篇學使沈愛其才欲招
入幕以親老辭篤孝友父兄怒則齋衣冠色霽乃退友
盧某旅死招其子至自楚贈貲昇歸閩時論尙之

董敬書號慎菴北鄉莆田人家貧嗜學嘗自塾歸口誦而
足迷徑客外獲異味必攜以遺親戊辰鄉試將入闈聞
母病星夜馳歸兩日夜抵家母卒哀毀骨立昏迷不省
人事者累月兄弟五人怡怡一室清明掃墓適聞兄逝
至顛撲不能行生平與黃菊里友善菊里病視湯藥者
月餘死後爲之經營石塚且立嗣以祧之及門貧士不
計俸且贍膏火賴以成者多某年有愚孝劉姓者母沒
思慕成癡疾病不能醫爲之延醫館中數月而愈其天
性純篤類此子冀新邑庠生

葉蘊字宣露一字遠山歲貢生年豐斜石人與兄廩生葉
蘭弟歲貢生葉藻優增生葉蕙姪增生葉鳳翔一堂師
友更迭唱酬遠山尤灑落豪放不羈每啣杯於瑞芳園

拈韻弄毫相與酌江山之秀甫得一紙門下生輒取去已而散失詩文而外凡晉接者導迎善類書味盎然蓋莫不佩其世德云

傅翌商字湘琴一字賚軒廷試進士年豐石坑人形癯如鶴坦然無城府文尚高華授徒稱善誘鄉文社極力經紀獎成後進邑太僕盧容菴深契之延課孫曹以遠大相期許在都三年歸與弟優增生傅美商講學篤行益自下爲善益不足蓋其學日進而心愈虛如此

葉有聲字響珮號駿齋南鄉下垵人歲貢生秉性椎魯能自刻苦成其性詣文章不苟爲時尚教諭項典軒評其文爲一邑望肄業豫章友教兩書院方伯陳笠颿重其品學賚書幣聘爲西賓辭不就在鄉教授二十餘年從

遊者多所就進焉

北鄉東坪黃沙溝陳思貴妻劉氏年六十餘死葬十四日矣無何叔死術者以嫂葬所有煞犯令改瘞之至聞有聲自墓出啟之果蘇後踰五十三日死陳故貧家棺皆縫裂無灰裹以草又築之不堅故得蘇蘇時饑則齧草以食事在道光己亥年又大嶺下一李少婦旣棺其母來哭聞棺中呼母聲急出之後年至八十嚙尸未冰而渴殯者可戒也

彭尚興明嘉靖北鄉二十七都峽境人道光乙巳年里人治玉清宮於隱處得一舊楹聯板字跡未湮欸識峽境信官彭尚興獻後查彭氏墳果一官也相傳明時有彭太監居彭家垵現有羅漢松樹二三丈高其花園中故

物也。堰距秧境蓋僅數武云。

年豐鄉車湧瑞柏樹下人行介而心慈新建李某家分寧
湮於水存十歲孩憐之如已出爲積銀三百餘送歸嘉
慶十七年大饑平糴復代貧轉質廣治蔬田以繼不足
僱工互販虧錢百餘緡湖北災民病不起者六人甦以
米藥給資回里醫固其素業云。

戴守文昇仁鄉人居鄰富川家小裕樂善而不競於名其
子授州同職顯光邑庠生占魁孫候選衛千總鴻翹候
選縣丞咸章皆慷慨好義克承先志如顯光修武興界
道路橋梁費二千餘緡偕謝炳然建小賓興館費一千
餘緡曾未對人一言若無是事者然。

劉思禹字紹明號敬山昇仁上洋湖人生平勇於赴義食
力省垣見武邑漕倉在貓竹架下江水激蕩次船多傾
覆之患乃於康熙初年捐貲改建惠民門外之套內不
惟漕船安穩卽各舟維泊亦永避風濤然其時爭者興
訟思禹雖理直得伸而竟以是焚身邑人士感其義祀
主倉中每歲共出米若干石酬其嗣裔曰跳板米。

附詳請武邑照寧州例院府連場考試原案

乾隆八年童生徐士鐸等以應試程途遠阻願恩院府連場等情具呈前縣鄭詳請前府憲吳照寧州例於學憲按臨之先造冊送試以省諸童一番跋涉等因奉批如詳行繳嗣於乾隆十年據童生盛於虬等稟請勒碑以垂久遠奉前縣嚴在昌批院府連場考試係奉前府憲暨府憲體恤單寒之意既蒙恩准於前自無更改於後據稟勒石垂久聽爾自便可也該童盛于虬等未及勒碑乾隆十七年童生盧大炳等以學憲歲試未周恐府憲檄行催考復以前情并抄叙各案具呈前縣鄒業經據情詳請循行舊例等因奉前府憲張批如詳飭遵繳已上自乾隆八年起至十七年止各

屆考試俱循行舊例院府連場在案乾隆十九年前府
憲朱 檄催考試復經童生盧大炳等具呈前縣鄒詳
請仍循舊例一體栽培等因奉 批查該縣童生歷來
揆至學憲開考尙未府試臨期促迫諸務潦草如此
大典豈容姑息市恩致滋慢悞今番因恐仍沿舊習輒爲
請寬久經備牌行縣何竟並不寓目一任經胥混詳殊
屬不合現在最遠如寧州亦已遵照未便延緩仰卽將
文武童趕緊試竣令卽促裝來省候期無違此檄等因
各該童遵照於六月赴府考試至臘月院試往返半年
貲斧不給乾隆二十二年童生吳沅等復以因地制宜
等情呈縣本縣宋 據情轉詳竊照文武諸童縣試已
竣自應遵照 憲檄示期造冊批送聽候考試緣卑縣

僻處山陬距省寫遠更兼溪河一線水淺灘高往返動
需時日是以乾隆八年及乾隆十七年前令鄭大敬鄒
應元任內經各儒童等呈請院府連場考試詳蒙 前
府憲節次批允在案嗣於乾隆十九年前令又復具文
請示奉 前府憲朱批飭恐臨期迫促諸務潦草駁飭
照舊批送候考亦在案茲據卑縣童生吳沅等連名籲
請復詳前來卑縣復查考試爲士子進身之階豈容懼
往返之勞姑息遷就諸童之中或住居鄉僻或遠館隔
屬兩番解館赴省不特貲斧艱難更恐有妨教讀貧寒
之士每慮失館致生畏阻之心倘蒙 憲恩垂念單寒
仍循舊例於 院試將次按臨之時飭令諸童同赴
憲轅連場考試則諸童仰沐栽培比戶頂祝 憲德矣

武寧縣志 卷四十四 雜記 五百二十一
卑職未敢擅便理合據情詳請 憲臺酌奪批示飭遵
等因奉 府憲積 批如詳行繳復據生員張國學等
具呈 學憲勒石成規奉 學憲張批飭查議到府行
縣該本縣宋 查雅化造士首錄單寒路遠費艱墮其
進取殊非茅茹彙征之意雖臨期接考稍與先期考錄
之例未符而鼓舞羣倫原在因地制宜若非詳明立案
則或駁或准既無一定章程即每次詳明亦不無數繁
案牘應如該生等所請轉詳飭遵但 院府連考府屬
有卑縣及寧州不便兩岐似應卑職會同寧州酌議核
定距 學憲按臨若干日期畫一齊集赴 憲轅考試
逾期均不收錄再事關考試

大典攸關應請通詳 各憲刊入縣志庶可永遠遵循至

刻碑立石禁革民間事宜期於觸目警心而設今衡文
考校仰蒙 各憲栽培俾寒士均沾樂育俯允連場有
案可稽足垂久遠且恐藉立碑名色致啟科歛之端該
生等所請勒石成規之處毋庸議緣奉飭議是否允協
理合粘連奉發原詞詳候 憲臺核示遵行等因復移
寧州會詳奉 府憲積 批查寧州生員何易謙等並
該縣生員張國學等先後赴 學憲衙門具呈均奉批
飭照所請辦理遵照在案則是府考儒童自可不必再
行通詳但連場考校若不預定日期致恐臨時周章嗣
後俟 學憲取齊文檄到府本府行知該縣即行傳齊
赴考不得再為延挨致有遲悞可也等因 梁志

附邑人呈請勒石永禁差役乘轎下鄉私帶白役碑誌

武寧縣正堂王 抄奉 南昌府正堂楊 爲謝恩懇

恩事案據武寧縣民陳安谷等具控緣民武邑僻處山隅每逢訟案及縣各公事等屢遭差役乘轎下鄉私帶白役擾累民難堪命迭經稟縣並不查究以故弊竇日熾憤成積習迺舊五月民等備情泣稟蒙 前憲蔡痛念民艱准出示禁奉批另錄嗣因卸篆批示未示 邵陞憲榮任民復接叩沐出示禁遍貼鄉城蠹等始知畏法萬民咸頌生佛弊絕風清民安樂土但蠹狡猾異常禁不垂久弊必復生若僅出示貼禁而不勒石永杜在目前雖可保無害誠恐相傳未久紙朽字朦不無故轍仍蹈之累茲幸 大憲福星駕臨德政交頌此種擾累斷不肯稍存寬宥必不忍留害將來爲此具呈叩請捨

准勒石飭縣監碑嚴禁恩垂不朽蠹害永杜合邑戴德萬代沾恩上告等情據此除詞批示外合行檄飭爲此票仰該縣立即遵照迅將前發告示勒石示禁仍將碑摹印刷一紙具文送 府查核毋稍縱延干咎速須票等因到縣奉此除嚴行查究外合行勒石爲此示諭各里民知悉自後如有差役仍蹈前轍許卽指名稟究該各差役等務宜遵例守法如遇詞訟案件并征催錢糧毋許乘轎下鄉私帶白役故違擾累一經訪聞或被告發定卽嚴行究辦決不姑寬該里民等亦不得藉端滋事凜遵毋違特示 南昌府正堂邵 爲嚴行示禁事案據武寧縣民陳安谷等具控差役乘轎下鄉及私帶白役久奉飭禁何以該縣胥役尙敢故違擾累除飭

縣嚴行查究外合行示禁爲此示仰該縣軍民人等知悉嗣後縣差再敢乘轎下鄉私帶白役擾累許卽扭稟該縣解府嚴究鄉保人等如敢通同徇隱查出一併重究不貸各宜凜遵毋違特示 嘉慶四年六月監立署前

附公蓄樹木

南關外離城二里許土名南市嶺西邊樟樹二株一株圍六尺長七丈一株圍七尺六寸長八丈耆民曾本然獻北鄉二十六都祥麥陵離城十五里株樹五株松樹一株爲行人所憩息康熙年間里民李克秀手植

沙田橋側大章樹一株垂蔭數畝民人鍾啟雲開佐輝光林應嘉其中曾克從嘉球等連地契買獻公長蓄丞庇行人

附各鄉捐輸修志姓名 乾隆壬寅

安樂鄉

張耀南 石韵圃 王茂元 王鏡溪

日休堂 以上捐銀拾兩

昇仁鄉

劉臨萬 拾伍兩 張維藩 拾貳兩 劉光廷 拾貳兩

黎秀坡 拾貳兩 陳金章 夏理藪 聶步蕃 黎碧畦

劉雲從 以上捐銀拾兩

年豐鄉

生員李瑤 肆拾兩 程王儒 拾伍兩 李亭坡 劉廷占

朱璧英 以上捐銀拾兩

上南鄉

鄒盛猷肆拾兩 周得華貳拾兩 劉美瑞貳拾兩 楊昌哲拾肆兩

丁明達 張玉鏞 張兼善 熊恒茂

姜希選 張婉如 陰剛生 朱頤中

張旭旦 鄒文宇 胡君祿 羅南峰

葉旦成 葉得中 吳如公 葉耀祖

葉從雲 葉汪度 葉任如 葛天儀

陳國仲 羅杏林 張丙文 葉煥章

張文賢 劉大業以上捐銀拾兩

下南鄉

吏員李彩希 周敬公 陳為質 鍾蒂拔

邱直山 趙達隆以上捐銀拾兩

江陰鄉

蔡精通 胡富六 胡式谷以上捐銀拾兩

長樂鄉

監生舒承志貳拾兩 董子夫拾壹兩 盧眾拾貳兩 李俊賢

盧永言 孫世顯 盧呈藻監生 舒兆起以上捐銀拾兩

順義鄉

陳次璜拾陸兩 鄭日璿 余偉芳以上捐銀拾兩 熊太寧

熊鳳昭 熊選賢 仰裕文 段元善

胡海 胡商璧 葉鳳集 葉孔達

葉萬邦 周克緒 周奉莪 鄭文穆

黎經遠 蕭次吳 徐珍廷 黃應清

陳又新以上捐銀拾兩 楊谷用捐銀叁兩 朱裕鼎捐銀叁兩

雷肖江 胡周言 王孟昇以上捐銀拾兩

後序

邑進士 張富經 亞滄

吾邑志迭有興廢其廢也有係乎天數者有係乎人事者馮韻卿屈明初兵燹後倣照永樂間繕本志欠精詳無怪其然也嘉靖時唐君世惠萬曆時胡君東陽林君文升述舊作新三志俱無咎無譽惟宗禎七年寇公以吾邑名宦苦心補葺人以爲必有佳本矣乃旋以內擢去與厥後乾隆二十年宋侯編輯未就卽內升而去同此廢之關乎天數者也康熙五年馮志文成草創猶足以爲攷信之書後此乾隆十五年劉志任屬不一卒無定本金匱鄒公來蒞是鄉息心搜討繁稱博引最爲詳備觀其極詆前志遺漏舛謬草率成書居然自命不凡矣奈格於物議而書不行此廢之關乎人事在乾隆十九年者也越後二十八年梁公鳴岡因縣志之闕如沮郡

修之考據廣延宿學編次成書梁總大綱焉於是武甯之士
宜風俗榮如列眉矣陳秋河以道光四年懷復古之思珥纂
修之筆集思廣益綱舉目張其書不既明備乎茲道光戊申
大憲議修省志檄飭各郡縣預修以供採擇明府李琴山先
生集諸紳士議之時有封翁張渾齋先生與哲嗣星曹慨然
獨任其費越翌日鄉紳士畢集翕然樂從余以爲天數難知
而人事可恃已如此凡我同人和衷共濟於以適觀厥成不
難矣且夫武小邑耳未嘗有經天緯地之文然而聲教所訖
涵濡已久士之彬彬然能文章者猶足繼往開來至於今不
絕曩者古學如張閏榻先生與折得之史漢研鍊得之公穀
其次三盛二余盧容菴王七宣諸前輩亦馳驟文壇今人之
勤學猶是山水之鍾靈猶是必當繼前光而植品端方吐屬
風雅以副邑父母暨各大憲光華文治之至意余老矣竅啓
寡聞無能爲役惟是夙夜之自矢者不徇情不漁利不阿黨
不苛刻與諸君子皆有同心所幸間叅末議以贊成其書議
論存直道之公去取協輿情之正人事既盡斯天數自不得
而違安在今日之志不克續前志而徵明備也哉是爲序

重修志書後

邑古艾侯地也於南郡為奧壤代為人物文
章道光戊申李侯琴山先生自南中來蒞茲
土是歲春檄有事於志書越九月告成志自
鄒明府纂後山川之奧衍如昔乎光顧其書
乃中於他議後二十年而梁輯了梁後又四



十年陳德之方陳纂次之二年先君子解組
旋里得與一二校學之勞書成先君子跋之載
在簡末又二十有六年矣生間替興沿革義
烈節士勲爵文章高隱方外雜技與夫譏祥
怪復幻與不可窮詰之故不賴賢司牧網羅
而記編之抑亦一時之闕典也送間邑人士膺侯
校書之命公慎自矢侯亦虛心採納俾學不盡
有極不可否事皆侯躬以出不浸浮議嗚呼
重生事矣其費自經始至終事悉斗是給
蓋先君子遺命也門分三十二卷分四十四字
文凡廿多八千八百字奇斗因之亦所感矣
昔司馬氏紬史記垂遷石室之書蓋無不忘前

人所難論著以平生事業盡闡幽潛之至然後
作哉夫志程史然方侯下其事先君子而斗
明然曰前志予以卸篆歸遲未能悉何生平所
願高推者今老矣汝曹生無立乎躬斗謗陋
吾能仰承先志中池疾甚夫後何言惟念諸
君子風雨鷄鳴以成此書既幸是有以仰副

贊侯分編之至意而為古又添一章叙於陳侯
之後俾一時之節義人文精英庶藉以少露其
焉蓋亦每十年而一有因措手以跋於後竊恐
斗父子名後先挂任邑書之末為餘業不備
乎志成而先君子不及見也道光己酉季春月
下泮邑侵增生議叙通判張向斗星曹氏并書

